



80

06

10

240-4514

日秋梨座鑿頭大板多有
麥穗頭與之相似其葉圓
而微卷之葉梗亦如此
為堅者木蘭科出此內
當由二種無毛無葉

B 64853

楞伽阿跋多羅寶經卷第四表疏上

頂收吳學天竺三藏求那跋陀羅譯經
支那沙門薄益釋智旭疏義

請。二許。三問。四答。今初

爾時大慧菩薩白佛言。世尊。唯願爲說五藐三佛陀。
我及餘菩薩摩訶薩善於如來自性自覺覺他。魏云。如來應正徧知。惟願演說自身所證。內覺知法。以何等法名爲法身。我及一切諸菩薩等。善知如來法身之相。

自身及他俱入無疑。唐云願爲我說如來應正等覺自覺性令我及諸菩薩而得善巧自悟悟他。

三許佛告大慧恣所欲問我當爲汝隨所問說

三問

大慧白佛言世尊如來應供等正覺爲作耶爲不作耶。魏云爲作法耶爲事耶。二俱爲因耶爲相耶爲所相耶。魏云爲能見耶爲說耶爲所說耶爲覺耶爲所覺耶。耶爲所見耶爲說耶爲所說耶爲覺耶爲所覺耶。魏云爲是智耶如是等辭句爲異爲不異耶。智所覺耶如是等辭句爲異爲不異耶。魏云如來法身爲異耶爲

疏曰梵語多陀阿伽陀此翻如來梵語阿羅訶此翻應供梵語三藐三佛陀此翻等正覺亦翻正徧知乃十號之三也亦表三德三德不縱橫並別不可思議乃名法身今問法身與此作不作等辭句爲異爲不異意欲如來顯出法身離四句故

四答一初長文二偈頌初中三初總非諸句二別辨其義三結答其問今初

佛告大慧如來應供等正覺於如是等辭句非事非因所以者何俱有過故魏云如來應正徧知法身之相如是辭句等非作法非不

作法。非因。非果。何以故。以二邊有過故。○唐云。如來應正等覺。非作。非非作。非果。非因。非相。非說。非所說。非覺。非所覺。何以故。俱有過故。

二別辨其義五。初約事因辨。二約無我等義辨。三約陰界入辨。四約解脫辨。五約智及爾談辨。

今初

大慧。若如來是事者。或作或無常。無常故。一切事應是如來。○唐云。若如來是作。則是無常。若如來是無常。一切作法應是如來。我及諸佛皆所不欲。○魏云。不許此法。○若非所作者無所得故。方便則空。同於兔角。檠大之子。以無所有故。○唐云。若非作法則無

體性。所修。便悉空無益。同於大慧。若無事無因者

免角石女子。非作因成故

唐云。若非因非果。則非有非無。若非有非無。則出於四句。四

句者。是世間言說。若出四句者。則不墮四句。不墮四句。故智者所取。一切如來句義。亦如是。慧者當知。

疏曰。先明是作非作之過後明非因非果之理也。

能作爲因。所作爲果。果體名事。事名爲有。有則無常。非作名無。無同免角及石女子。如來法身。豈如是哉。全性起修。故非無作。全修在性。故非所作。大

乘因者。諸法實相。故因卽非因。大乘果者。諸法實

相。故果卽非果。非因非果故非有。而因而果故非無。不相違故非亦有亦無。離戲論故非非有非無。超過四句名之爲出。以四句說之而不犯過名爲不墮。此乃如來法身句義。有智慧者所當知也。

二約無我等義辨

如我所說。一切法無我。當知此義。無我性是無我。唐云。非是無我性。故說無我。一切法有自性。唐云。非是無我性。故說無我。有諸法自性。無他性。如牛馬。魏云。一切諸法。自身爲有。他身爲無。如似牛馬。大慧譬如非牛馬性。非馬牛性。唐云。譬如牛無牛性。馬無牛性。其實非有非無。彼非無自

性。如是大慧。一切諸法非無自相。有自相。但非無我愚夫之所能知。唐云。無有自相。而非有卽有。非諸凡諸法無以妄想故。○魏云。愚癡凡夫。不知我體相。以妄想故。○唐云。何故不知以分別故。如是一切法空。一切無生。一切無自性。魏云。無體相。當如是知。

疏曰。如來常言。一切法無我者。正以如來藏性不變隨緣。舉體成一切法。故一切法隨緣不變。當體卽如來藏。不可喚作實我實法。故說無我。非是無有如來藏性。以爲諸法之自性也。但只有此如來藏性。更無他性。譬如牛只有牛性。更無馬性。馬只

有馬性更無牛性。約牛則馬性非有。牛性非無。約馬則牛性非有。馬性非無。而彼非無自性也。一切諸法當知亦爾。非無如來藏之自相非有我法之自相。但一切愚夫由妄想分別。故不知無我如來藏耳。如是常言一切法空當知如來藏不空也。常言一切法無生當知如來藏無不生也。常言一切法無自性當知如來藏非無自性也。

三約陰界入辨

如是如來與陰非異非不異。魏云。如來法身亦復如是。於五陰中。非一非異。

若不異陰者應是無常。魏更云。以五陰是所作法故。唐云。若異者。如牛二角有異不異。故若異者方便則空。二譯皆無此句。若二者應有異。如牛角一切法亦如是。大慧。如牛右角異左角。左角異右角。如是長短種種色各各異。唐云。長短不同。色相各別。大慧。如來於陰界入。非異非不異。同上且言不異不再言其

疏曰。此以入法對辨。而明非異非不異。超出四句。不墮四句也。如來者假名人也。五陰者色心法也。若謂如來與五陰定一。則五陰有爲生滅。如來亦

應有爲生滅。固不可也。若謂如來與五陰定異。則如來必無五陰色心相好智慧皆不可得。僧祇方便豈不唐捐亦不可也。且如來五陰果若二者。則應如牛二角然牛二角亦且有異不異不可言其定異。況如來與五陰乎。意顯五陰展轉相辨已自有異不異。况如來與五陰可令一向異。一向不異乎。言一切法亦如是者。且如五陰同名陰故不異。色非受等。受非想等。故有異。十八界同名界故不異。根非塵等。塵非識等。故有異。十二入同名入故非不異。

疏曰。如來爲能證解脫爲所證。能所無性故非異。

四約解脫辨

如是如來解脫非異。非不異。如是如來以解脫名說。魏云。如是依解脫故。若如來異解脫者。應色相成。色說名。如來法身之相。若如來異解脫者。應色相成。色相成故。應無常。唐云。則同色相。則是無常。○若不異者。修行者得相應無分別而修行者見分別。魏云。則所證差別。而修行者則見能證及於所證。無能證。○唐云。修行者見應無差別。然有差別。是故非異。

疏曰。如來爲能證解脫爲所證。能所無性故非異。

能所宛然故非不異。言修行見有差別。凡有二義。

一卽能證所證不二而二義。一卽就所證中。有偏圓分滿之不同。如十地證十真。如及金剛般若所謂一切賢聖皆以無爲法而有差別也。

五約智及爾談辨

如是智及爾談。魏云：知於可知境界。非異非不異。大

慧智及爾談。非異非不異者非常非無常。非作非所作。非有爲非無爲。非覺非所覺。非相非所相。非陰非異。陰非說。非所說。非一非異。非俱。非不俱。

疏曰。若凡若聖諸心心所見分皆名爲智。若凡若

聖諸心心所相分皆名爾談。此則收一切法無不盡也。同以自證爲體。故非異。施設二分差別。故非不異。旣本非異。不異。則亦本非常與無常。作與所

作乃至本非俱與不俱。是一切法本皆離四句也。

非一非異。非俱。非不俱。故悉離一切量。唐云：以是義起一切量。

魏云：但有其名。○無言說。則無

生。唐云：若有。但有名。彼法不生。○唯言說。則無有生。無生。則無滅。無滅。則寂滅。
魏云：以不滅。故彼法。則如虛空。平寂滅。則自性等。○唐云：無有滅。故。則如虛空。平寂滅。則自性等。

楞伽義疏四之上

涅槃、自性涅槃則無事無因無事無因則無攀緣。無攀緣則出過一切虛偽、出過一切虛偽則是如來。魏云。虛空非因非果。若法非因非果者。彼法則爲不可觀察。不可觀察者。彼法過諸一切戲論。若過一切諸戲論者。名如來法身。

如來則是三藐三佛陀。唐云。如來卽是正等覺體。疏曰。一切諸法既離四句則皆超一切量但有名言。卽非名言無生無滅猶如虛空。非果非因心行處滅言語道斷故曰。一切諸法無非佛法牆壁瓦礫皆是如來清淨法身也。豈可以作非作等詞句辨之邪。二別辨其義竟。

三縹答其問

大慧是名三藐三佛陀佛陀大慧三藐三佛陀佛陀者離一切根量。魏云。以過一切諸根境界故。○唐云。永離一切諸根境界故。

疏曰。重言佛陀者意明正徧知覺之覺體也。衆生迷此覺體衆體幻成諸根境界所謂不變隨於染緣也。如來悟此諸根境界隨緣不變當體卽是覺體不可局以諸根境界是故於中一爲無量無量爲一根爲能照亦爲所照。境爲所照亦爲能照所謂不變隨於淨緣也。初長文竟。

二偈頌

楞伽卷四之二

爾時世尊欲重宣此義而說偈言悉離諸根量無事亦無因魏云離諸法及根非果亦非因已離覺所覺亦離相所相陰非陰非離陰亦不在餘處○唐亦非有諸性如彼妄云非蘊非不蘊亦不離餘物魏云是故不說無亦不得說有○唐云無既不可取

想見唐云非有一法當知亦非無此法法亦爾

唐云

亦復

非是無諸體如彼分別見當知亦非無此法法亦爾魏云待有故成有法性如是以有故有無以無故有有無待無故成有法性如是

若無不應受若有不應想

魏云是故不說無亦不得說有○唐云無既不可取

有亦不或於我非我言說量留連

唐云不了我無我但著於語言沈

溺於二邊自壞壞世間解脫一切過正觀察我通

唐云

若能見此法是名爲正觀不毀大導師

唐云則離一切過

世疏曰初一偈頌前總非諸句次二偈超頌約陰等

唐云不生不滅義

受辨次二偈追頌約無我辨次二偈訶迷者之失後

唐云

一偈讚悟者之得也非陰者非與陰一也非在陰

者非與陰異也亦非有餘襍者當體法界法界無

外故非有餘法界無餘故非有襍也餘對²譯可

解第二十九如來自性門竟五期不生不滅義

第三十不生不滅門二。初正明不生不滅義。二約外道以辨差別。初中三。初因問略答。二重

問許宣二正爲廣答

爾時大慧菩薩復白佛言。世尊。如世尊說修多羅攝受不生不滅。又世尊說不生不滅是如來異名。云何世尊爲無性。故說不生不滅爲是如來異名。此則無法。云何說是如來異名。佛告大慧。我說一切法不生不滅。有無品不現。魏問云。而佛如來常說諸法不生不滅。以離建立有無法故。○唐問云。如世尊說。一切諸法不生不滅。當知此則隨有無見。

疏曰尋常修多羅中每言諸法如幻如夢本無生滅則不生不滅乃諸法無性義耳而又云是如來異名故疑而問之也今之略答據二譯乃是問辭而旨各有異魏以如來常說不生不滅本離建立有無法故不應指爲如來異名唐以若說不生不滅爲無性仍墮無見若說不生不滅爲如來異名仍墮有見宋則答以不生不滅本起有無故雖顯無性而非無雖是如來異名而非有也

大慧白佛言。世尊。若一切法不生者。則攝受法不可得。

魏云。此不得

一切法。一切法不生故。

唐云。

若法不生。則不可取。無有少法。誰是

如來。若名字中有法者。惟願爲說。

魏云。若依餘法有此名者。世尊應爲我說。

疏曰。一切法既不生矣。安有一切法可取。既無法可取。何得是如來異名。若是如來異名。名下必應

有義。畢竟指何法義名爲不生不滅耶。佛告大慧。善哉。善哉。諦聽。諦聽。善思念之。吾當爲汝

分別解說。大慧白佛言。唯然受教。

二重問許宣竟

三正爲廣答三初直明所說離過。二廣顯如來異名。三詳辨言義差別。今初

舉異名。三詳辨言義差別。

佛告大慧。我說如來。非無性。亦非不生不滅。攝一切

法。亦非待緣。故不生不滅。亦非無義。

魏云。如來法身。非是無物。亦非

一切法。不生不滅。亦不得言。依因緣有。亦非虛妄說。

不生不滅。○唐云。我說如來。非是無法。亦非攝取。不

生不滅。亦不待緣。亦非無義。大慧。我說意生法身。如來名號。彼不

生者。一切外道聲聞緣覺。七住菩薩。非其境界。

魏云。我常

說言。不生不滅者。名意生身。

如來法身。非諸外道聲聞辟支佛。境界故。住七地菩薩。亦非境界。○唐云。我

說無生。即是意生法身。別與之名。一切外道聲聞獨覺。七地菩薩。不了其義。

大慧。彼不生

卽如來異名

疏曰。如來非無性。破其以無性爲不生不滅也。亦非不生不滅攝一切法。破其攝受法不可得也。亦不待緣破其名字中別有法也。亦非無義。破其轉計有名無義也。此中非不生不滅攝一切法句意。稍難解。今當釋之。蓋一切法生本不生滅。本不滅。所謂性真。常中求於去來。迷悟生死了不可得。卽是本如來藏妙真如性。妙真如性。卽是如來法身異名。非謂果有一切諸法。而更以不生不滅攝取。

之也。夫無性故言不生不滅者。因緣卽空意也。意生身名。不生不滅者。卽假意也。法身名。不生不滅者。卽中意也。意生身雖有三相。乃相似三觀所成。未證中故。束之爲假法。身雖具三德。乃分證圓融之體。體不二故。束之爲中。一切外道未知卽空安知假中。聲聞緣覺及通教七地菩薩。雖知於空未覓見不空。故亦非其境界也。言七住者。約最鈍根須大至八地方能受接故也。

二廣顯如來異名三初舉譬。二示法三帖合

今初
卷之四

七

大慧。譬如因蛇羅釋迦不蘭陀羅。如是等諸物。一一各有多名。魏云。譬如釋提桓因。帝釋王。不蘭陀羅。等號名異義一。○唐云。譬如帝釋地及虛空。乃至手足。隨一一物。各有多名。亦非多名而有多性。二皆作體。亦非無自性。唐云。亦非無體。

疏曰。如天帝釋有千名字。又如手亦名抓。身亦名體。地亦名爲浮彌。虛空亦名無礙。世間一物有多名者。不可勝舉。其名雖多。其體非多。亦非無體。當知如來法身。亦如是也。

如是大慧。我於此婆呵世界有三阿僧祇百千名號。疏曰。婆呵亦云索訶。亦云婆婆。此翻堪忍。乃釋迦如來所統三千大千世界之總名也。在世界種第十三佛刹微塵數重。有十三佛刹微塵數世界所共圍繞。具如華嚴經中所明。其中衆生忍諸煩惱。忍作諸業。忍受衆苦。故名堪忍。又佛菩薩以大忍力度脫衆生。故名堪忍也。阿僧祇此翻無數。愚夫悉聞。各說我名。而不解我如來異名。唐云。諸凡愚人。雖聞

雜說。而不知大慧。或有衆生知我如來者。有知一切智者。有知佛者。有知救世者。有知自覺者。有知導師者。有知廣尊者。有知一切導者。有知仙人者。有知梵者。有知毗紐者。此云大九有知自在者。有知勝者。有知迦毘羅者。城名。佛生彼城。因名迦毘羅仙。有知真實邊者。有知月者。有知日者。有知主者。有知無生者。有知無滅者。有知空者。有知如如者。有知諦者。有知實際者。有知法性者。有知涅槃者。有知常者。有知平等者。有知不二者。有知無相者。有知解脫者。有知道者。有知意生者。

疏曰。此畧舉三十三名以例其餘也。魏有四十六名。唐有五十名。並可例思。不煩廣解。

大慧。如是等三阿僧祇百千名號。不增不減。此及世界。皆悉知我如水中月。不出不入。唐云。於此及餘諸世界中。有能知我如水中月。不出不入。彼諸愚夫不能知我。墮二邊故。唐云。但心沒正邊。不能解了。

疏曰。不增不減者。一切名字性。卽一名字性。故不增。一名字性。卽一切名字性。故不減也。法身住畢。竟空譬如滿月。隨諸衆生心水清淨。則現其影。此

所現影。不離如來法身。故不出不離衆生心水。故
不入不出不入。卽是非有非無。彼諸愚夫或計心
外有佛。或計佛無體相。故不能知法身不生不滅
義也。

然悉恭敬供養於我。而不善解知辭句義趣。不分別
名。不解自通。計著種種言說章句。於不生不滅作無
性想。魏云。而不善解名字句義。取差別相。不能自知。
執著名字故虛妄分別。不生不滅。名爲無法。

唐云。而不善解名字句義。執著言教。

昧於真實。謂無生無滅是無體性。

疏曰。然悉恭敬供養於我者。釋成雖聞雖說也。而
人本具心佛衆生三無差別也。二示法竟。

不知如來名號差別。如因陀羅釋迦不蘭陀羅。不解
自通。會歸終極於一切法隨說計著。魏云。以不能決
順名字音聲取法亦復如是。○唐云。以
信言教。昧於真實於一切法如言取義。

疏曰。若知本有法身與佛平等。則言言見諦。字字
歸宗。乃爲會歸終極。所謂決定名號之真實義也。

由其不知一切名號。唯以詮顯法身爲所歸極。故

聞不生不滅。便作無性計著。如聞不蘭陀羅。便謂

非帝釋耳。二廣顯如來異名竟。

三詳辨言義差別五初破癡計一顯善說三勸

不取依義四誠隨說計著五勸親近多聞今初

大慧。彼諸癡人。作如是言。義如言說。義說無異。所以者何。謂義無身故。魏云。以義無體相故。言說之外。更無餘義。惟

止言說。

唐云。是人不了言音。性謂言卽義無別義體。

大慧。彼惡燒智。魏云。自大慧。彼愚

癡人○唐云。不知言說自性。不知言說生滅。義不生彼人愚癡。

滅。大慧。一切言說墮於文字。義則不墮離性。非性故無受生亦無身。二俱云。離有離無故。無生無體故。無

疏云。言說音聲。乍生乍滅。耳識可得而聞。意識可得而緣。故癡人計以爲有。法身實義。非有非無。不生不滅。不墮分別妄識境界。故癡人計以爲無。不知無生則無所不生。無體則無所不體也。

二顯善說又二初明說卽不說。二明無說而說。

大慧。如來不說。墮文字法。文字有無不可得。故除不

墮文字。唐云。唯除不墮於文字者○魏云。如來說法執著名字說者。彼人不名善說法者○不著名字唐云。若人說法墮文字者是虛誑說○法離文字故。唐云。諸法自性離文字故。是故大慧我等諸佛及諸菩薩不說一字不答一字。所以者何。法離文字故。

疏曰。契會法身則語言道斷。心行處滅。如人飲水冷燂自知。故不墮文字。又文字亦卽法身舉體所成。法身外之文字非有。卽法身之文字非無。所以終日說而無說。名爲不墮文字之妙說也。世人不

達實義。強構篇章。種種杜撰莊飾文詞。皆是虛誑妄說。不知諸法離文字故。不知諸佛菩薩所說所答。依自證法及本住法。非有一字可增減故。是故三世如來一切菩薩皆是述而不作者也。今之競爲駁句以圖出格者。可謂不知而作之者矣。哀哉。便望二明無說而說。非不饒益義說。唐云。非不隨別義而分別說。言說者衆生妄想故。大慧若不說一切法者。教法則壞。魏云。法輪斷滅。教法壞者。則無諸佛菩薩緣覺聲聞。若無者誰說爲誰。是故大慧。

菩薩摩訶薩莫著言說隨宜方便廣說經法。唐云應不著文字隨宜以衆生希望煩惱不一故我及諸佛爲彼種異解衆生而說諸法令離心意意識故不爲得自

而說字隨宜以衆生希望煩惱不一故我及諸佛爲彼種異解衆生而說諸法令離心意意識故不爲得自

而說

覺聖智處唐云我及諸佛皆隨衆生煩惱解欲種種

覺聖智處

不同而爲開演令知諸法自心所見無外境

境別捨二分別轉心意

識非爲成立聖自證處

疏曰法離文字本無可說而衆生妄想分別各各希望樂欲不同見愛煩惱受病亦別若不以四悉檀隨宜爲說何由令其捨二分別轉識成智耶若已得自覺聖智處者何勞更爲說法又自覺聖智

處本自成立何須以言說成立也此無說之說方爲上順佛意下隨羣機障濟所謂我宗無語句亦無一法與人此之謂也不同今人杜撰穿鑿強構詞章以炫新異也二顯善說竟

三勸依義

大慧於一切法無所有覺自心現量離二妄想諸菩薩摩訶薩依於義不依文字

疏曰於一切法等三句依魏唐二譯皆屬上文爲令衆生知一切法皆是自心所現心外無有離於

大乘義疏四之三

卷

能所二妄分別故說諸法今既在此則二十二字應作一句讀之謂諸菩薩既知一切法皆無所有唯是自心所現離二妄想則能依義不依文也若善男子善女人依文字者自壞第一義亦不能覺他墮惡見相續而爲衆說不善了知一切法一切地一切相亦不知章句唐云依文字者墮於惡見執著法相文詞章句既自損壞亦壞於他不能令人心得悟解

疏曰此先明依文之失也諸佛菩薩以義定名故萬無一失末世鈍根以名定義則萬無一得故云

自壞第一義亦不知法相地位及章句也

總義解

若善一切法一切地一切相通達章句具足性義唐云若能善知一切法相文辭句義悉皆通達彼則能以正無相樂而自娛樂

平等大乘建立衆生大慧攝受大乘者則攝受諸佛

菩薩緣覺聲聞唐云若能令他安住大乘則得一分諸佛聲聞緣覺及諸菩薩之所攝受

攝受諸佛菩薩緣覺聲聞者則攝受一切衆生唐云若得諸佛受則能攝受一切衆生

攝受正法攝受正法者則佛種不斷佛種不斷者則能

了知得殊勝入處唐云則得勝妙處知得殊勝入處菩薩摩

楞伽義疏四之三

卷

訶薩常得化生建立大乘。十自在力現衆色像。通達衆生形類希望煩惱諸相如實說法。唐云。菩薩生勝安住大乘。以十自在力現衆。如是者不異。如實者不色像。隨其所宜演真實法。妙處欲令衆生來不去相。一切虛偽息是名如實。唐云。真實法者無異無別。不來不去。一切戲論悉皆息滅。

疏曰。此正明依義之得也。一切法者權實法也。一切地者權實位也。一切相者化儀化法。五時通別。乃至轉接同會借兼但對帶純種種諸相狀也。通達章句者以義定名也。具足性義者。口語顯義也。

自娛樂者自覺也。建立衆生者覺他也。大乘是諸佛聖人之所護念故。唐譯云得所攝受。一切諸佛聖人皆從大乘而出。故今經云攝受諸佛等也。殊勝入處卽自覺聖智境界。十自在力卽是處非處等十智力也。餘皆可知。三勸依義竟

四誠隨說計著

大慧善男子善女人不應攝受隨說計著。唐云。不應於真實者離文字故。魏云。以一切法無文字故。如言執著指指物。愚夫觀指不得實義。唐云。小兒觀指不觀於物。如是愚夫

機傳義疏四之二

二

隨言說指攝受計著至竟不捨終不能得離言說指
第一實義。唐云。愚癡凡夫亦復如是。隨言說指而生執著。乃至盡命終不能捨文字之指。取第一義。大慧譬如嬰兒應食熟食不應食生。若食生者則令發狂。唐云。有人不解成熟方。便而食生者則復狂亂。不知次第方便熟故魏云。要須次第乃成食。大慧如是不生不滅不方便修則爲不善。是故應當善方便修。莫隨言說如視指端。更有云。執著名言得義者。如彼癡人不知春炊。敵文字殼。不得義食。是故大慧於真實義當方便修。真實義者。微妙寂靜是涅槃因。言說者與妄想合。妄想者集生死。

疏曰。言說如指義如所指之物。若但觀指決不得物。若執言說。終不得義。此爲僕文解義者言也。不生不滅法身。名爲性德。全性起修。以修顯性方證涅槃。譬如生穀。須春且秋。方可資身養命。癡人聞說法身不生不滅。執性廢修。如食生穀。狂亂成病。此爲虛妄承當者言也。然此虛妄承當。亦是執著。宗門現成語句。亦猶之乎。視指端耳。是故若教若宗。一切言說與妄想合。皆能招感生死苦也。自不入緣。五勸親近。多聞讚嘆持大慧。參閱菩薩外錄。

楞伽義疏四之二

大慧。真實義者。從多聞者得。大慧。多聞者。謂善於義。非善言說。善義者。不隨一切外道經論。唐云。惡見。身自不隨。亦不令他隨。是則名曰大德多聞。
魏云。是名多聞。有義方便。○唐云。是則名聞。是故欲求義者。當親近多聞。所謂善義。與此相違計著言說。應當遠離。破貪慾嗔恚慢。

疏曰。善於義者。則知文字非有非無。必善言說。若但善言說。則是口耳糟粕。何嘗得義。所以内外邪正。不能辨偏圓權實。不能分。縱令學富五車。不可依也。初正明不生不滅義竟。

二約外道以辨差別二。初難問二答釋。今初爾時大慧菩薩復承佛威神而白佛言。世尊。世尊顯示不生不滅。無有奇特。所以者何。一切外道因亦不生不滅。魏云。外道亦說諸因不生不滅。○世尊亦說生不滅。唐云。外道亦說作者不生不滅。○世尊亦說虛空非數緣滅。及涅槃界不生不滅。世尊。外道說因生諸世間。魏云。外道亦說依諸因緣生諸衆生。○世尊亦說無明愛業妄想爲緣。生諸世間。彼因此緣名差別耳。唐云。俱是因緣。但名別耳。外物因緣亦如是。世尊與外道論無有差別。○外道說言。微塵勝妙自在。衆生主等如是九

物不生不滅。世尊亦說一切性。二云諸法。不生不滅。若有

皆

不可得。外道亦說四大不壞。自性不生不滅。

四大常是四大乃至周流諸趣不捨自性。世尊所說亦復如是。○魏云。外道分別諸大如來亦爾。分別諸大

道已

是故我言無有奇特。唯願世尊爲說差別。所以

奇特勝諸外道。○魏云。若不同者。如來應說有所異相。若有異相當知不同外道所說。○唐

云。若有不同。願佛爲演。若無差別者。一切外道皆亦

是佛。以不生不滅故。○唐云。若無別異。外道即佛。以其亦說不生滅故。而世尊

說一世界中多佛出世者無有是處。如向所說一世

界中應有多佛無差別故

二云

疏曰。此正執文難義欲令世尊以義定文也。若但

依文解義。則外道說作者諸因不生不滅。世尊亦

說三無爲法不生不滅。外道說作者因緣生諸世間。世尊亦說無明愛業因緣生諸世間。外道說外

物因緣。世尊亦假說泥瓶種芽等外物因緣。外道

說九物不生不滅。世尊亦說一切法性不生不滅。

外道說四大自性不壞。世尊亦有時分別四大自

性。是則全無差別。外道亦可名佛矣。不幾一世界

中有多少佛乎。言九物者。一時。一方。三虛空。四微塵。

五四大種。六大。梵七勝妙。八自在。九衆生主也。

二答釋二。初長文。二偈頌。今初

佛告大慧。我說不生不滅。不同外道不生不滅。所以者何。彼諸外道有性。自性得。不生不變相。魏云。諸外道所說有實性。相不生不變。我不如是。墮有無品大慧。我者離有無品。離生滅。唐云。我所說法。非有無品。離生滅。非性非無性。如種種幻夢現故。非無性。云何無性。謂色無自性。相攝受。唐云。云何非無。如幻夢色。種種見故。云何非有色。相自性。非是有故。現不

現故。攝不攝故。以是故。一切性無性。非無性。唐云。見一切諸法。非有非無。但覺自心現量。妄想不生。安隱快樂。世事永息。唐云。若覺唯是自心所見。住於自性。分別不生。世間所作悉皆永息。愚癡凡夫妄想作事。非諸聖賢。唐云。分別者。是凡不實妄想。如乾闥婆城及幻化人。唐云。妄心分別。不實境界。如乾闥婆城。幻所作事。非賢聖耳。愚夫妄想謂真出入。而實無有出者入者。但彼妄想故。唐云。譬如小兒見乾闥婆城。及以幻人商賈。出入迷心。分別言有實事。如是大慧。愚癡凡夫。起不生不滅惑。彼亦無有有爲無爲。如幻人

生其實無有若生若滅。性無性無所有故。一切法亦如是離於生滅。唐云。凡愚所見生與不生。有爲無爲。其實不生不滅。悉亦如是。如幻人生。如幻人滅。幻人法亦爾。離於生滅。諸愚癡凡夫墮不如實起。生滅妄想非諸聖賢。唐云。凡夫虛妄起。不如實者不爾。如性自性。妄想亦不異若異。唐云。言虛妄者。不妄想者。計著。一切性自性不見寂靜。法有性。不見寂滅。不見寂靜者終不離妄想。唐云。不能遠。是故大慧無相見勝。非離虛妄分別。是故大慧無相見勝。非相見。相見者受生因故。不勝大慧。無相者妄想不生。不起不滅。我說涅槃。唐云。若無有相。則無分別。不生不滅。則是涅槃。大慧。涅槃。

槃者。如真實義見。唐云。見如實處。離先妄想心。心數法。捨離分別心。逮得如來自覺聖智。我說是涅槃。

疏曰。外道所說不生不滅。妄計心外有法。故執之。則有覩之。則無。世尊所說不生不滅。了知唯心所現。生卽無生。故非有。滅亦無滅。故非無。譬如幻夢。有種種現。故非無。無實外色。故非有。又現則非無。不現非有。攝則非無。不攝非有。譬如乾城化人。生非實生。滅非實滅。生滅有爲。旣皆不實。則不生不滅。名無爲法。又豈別有實哉。言妄想亦不異若異。

者。不達法性而起顛倒妄想。妄想無性。如依水起波。故不異性。水不動。妄想波動。故若異也。只此妄想顛倒。於性空寂靜體中。孰有性自性故。所以終不見寂靜耳。言無相見勝者。無生滅相見。無不生滅相見。無二邊相見。無中道相見。所以一切分別妄想不起。妄想不起。則一切法本來不生不滅。名爲涅槃。了此本來常寂滅相者。名爲自覺聖智。豈同外道所計。丸物不生滅耶。

二偈頌二。初正頌前義。一重申問答。今初

爾時世尊欲重宣此義而說偈言。滅除彼生論建立不生義。魏云。爲遮生諸法。建立無生法。○我說如是

法愚夫不能知。一切法不生無性無所有。得言無因

唐云。亦非是無法。○健闡婆幻夢有性者無因。魏云。諸法無因

唐云。爲除有生執。成立無生義。○而無不生無自性。何因空當說。魏云。諸法空無相。云何爲我說。○唐云。空無生無性。云以離於和合。覺知性不現。一云。離諸和合緣。智慧不能見。○是故空不生我說無自性。魏云。以空本不是。故說無體。謂一一

和合性現而非有。○魏云。見物不可得。分析無和合。非如外道見。魏云。非外道所見。和合不可得。夢幻及垂髮。野馬健闡

相傳善政口之用

卷之二

婆。世間種種事無因而相現。唐云。無因而妄。折伏有存法眼。熾然無因論。恐怖諸外道。唐云。我說無因論。外道威驚怖一。

申暢無生義。申暢無生者法流永不斷。

唐云。無生義若

因論。申暢無生爲破執有生耳。非建立不生宗也。而愚夫不知妄以不生作無性解。豈知所謂一切法不生者非直無性而已。無性亦無所有。不得偏言是無譬。如乾城幻夢。雖現似有實無他因也。次更微云。我何因而說諸法不生空無性耶。以其因緣和合。虛妄有生。若離諸和合緣則智慧觀察決

不能見。是則空本不生故。說無體性耳。須知正和合而現時當體非有不同。外道分析和合之後方云不可得也。試觀夢幻及垂髮等無因妄現。則凡世間諸事莫不皆然。所以折伏外道邪因緣論。申暢正法生卽無生之義。此無生義是正法流是正法眼。故外道聞必驚怖。如獅子吼。百獸腦裂也。姑三重申問答四。初問。答三再問。四再答。今爾時大慧以偈問曰。云何何所因。彼復以何故生。

於何處和合。而作無因論。

疏曰。此承上文夢幻垂髮等無因相現而疑問也。故曰。此事云何。何所因而有夢幻等事。復以何故。

而見夢幻等生。此一一和合畢竟於何處和合。而

佛乃作無因論耶。

大乘真諦主義長五言論卷五
真不昔然以非外長義長曰卷五
二答

爾時世尊復以偈答。觀察有爲法非無因有因。彼生滅論者所見從是滅。

疏曰。此明佛破外道邪因說無因論。乃由觀察三

一界諸有爲法。自心所現故非無因。心外無法故非有因。心生則當處法生。其生也無來處。心滅則隨處法滅。其滅也無去處。故令彼生滅論者所見和合之相從是得永滅也。

三再問

爾時大慧說偈問曰。云何爲無生。爲是無性耶。

唐云。爲無生。故不爲顧視諸緣。有法名無生。唐云。爲待義。名無義。唐云。爲有。雅爲分別說。我宣說。皆空爲無生實。

疏曰。此以三意難無生之名也。一者無性故不生。

林伽事而曰之

耶。則如龜毛兔角故不可也。二者顧待諸緣而不

生耶。則如焦芽敗種亦不可也。三者名爲無生實

無義耶。則成虛誑戲論尤不可也。得此三難而如

來無生妙旨乃可申暢矣

四再答

爾時世尊復以偈答非無性無生。唐云。非無法不生。亦非顧

諸緣非有性而名。唐云。亦非以待緣。非有物而名。名亦非無義

疏曰。此先總拂其所問之非也

一切諸外道聲聞及緣覺七住非境界是名無生相

疏曰。此顯中道法身乃名無生故外道著有三乘證空皆非其境界也

遠離諸因緣亦離一切事。唐云。無有能作者。唯有微心在。魏云。建建立唯心。○唐想所想俱離。唐云。能所云。唯心所建立分別離。其身隨轉變。魏云。轉身依正相。我說是無生無外性無性。魏云。如是轉所依外非實無實。唐亦無心攝受。唐云。其心無所取斷除一切云。外物有非有。

見。我說是無生如是無自性空等應分別。唐云。空無性等句。其義皆如是。非空故說空無生故說空

疏曰。此正明唯心乃無生實義也。既云唯心則遠

離心外因緣亦離作者之事。亦無能所分別。亦能證得轉依。亦不攝取心外有性無性諸見。故名無生。亦名無性。亦名爲空。無生故空。此空非斷空。真空即是中道第一義諦。無生故無性。此無性非斷無無性。卽是一切法之實性。乃申明非無性無生之旨也。

因緣數和合則有生有滅。唐云。因緣共集會是故有生滅。離諸因緣數無別有生滅。
唐云。分散於因緣。生滅則無有。捨離因緣數更無有異性。若言一異者。是外道妄想。
魏云。離因緣無法。離和合無得外道妄分。

別而見有一異。有無性不生。非有亦非無。除其數轉變。是悉不可得。唐云。有無不生法。俱非亦復然。唯除衆緣會於中見起滅。但有諸俗數。展轉爲鉤鎖。離彼因緣鎖生義不可得。
唐云。隨俗假言。若離因緣鎖。生無性不起。離諸外道過。但說緣鉤鎖生義不可得。生離諸外道過。非凡愚所了。

凡愚不能了。唐云。我說唯鉤鎖。生無故不生離諸外道過。非凡愚所了。

疏曰。此明迷於中道佛性。舉體妄成十二因緣。若知十二因緣生卽無生。則見中道佛性也。由此唯心才二因緣虛妄和合故。於無生滅中見有生滅。若知因緣性空。不妄集會。則生滅當體寂滅。譬如

目賢既盡空華自亡。是故除此唯心因緣之外。更無有異性可得。若妄計有一性及異性者。皆是外道邪分別耳。是故亦非有性生一切法。亦非無性生一切法。亦非非有非無性生一切法。但是唯心十二因緣轉變。見有生滅。除此數之轉變。則生滅悉皆不可得矣。然此十二數之轉變。不過隨俗假說。以其唯心起惑。唯心造業。唯心感苦。不了苦即唯心。復起諸惑。故說展轉互爲鉤鏁。離彼唯心惑業。苦鏁安有生義可得。既是唯心鉤鏁。心外無法。

故生卽無性緣。起不起離諸外道。斷常有無等過。而三界凡夫。乘愚昧。悉不能了也。若離緣鉤鏁。別有生性者。是則無因論破壞鉤鏁義疏曰。此破外道所計邪。因卽是無因也。若離唯心緣起鉤鏁。別計有微塵自在等爲生性者。是則異因。生於異果。一切諸法。不從正因緣生。反爲無因論。而壞鉤鏁義矣。如燈顯衆像鉤鏁現。若然是。則離鉤鏁。別更有諸性疏曰。此破外道轉計也。外道計云。一切諸法離各

有性亦待鉤鑠方顯。譬如闇室中物須燈乃照。此仍不壞鉤鑠義也。佛故牒云。此則離於因緣鉤鑠。別更有諸法性。譬如燈外別有物矣。下乃破之。無性無有生。如虛空自性。若離於鉤鑠。慧無所分別。

魏云。生法本無體。自性如虛空。離鉤鑠求法。愚人無所知。○唐云。無生則無性。體性如虛空。離鉤鑠求法。愚夫所分別。

疏曰。此正顯因緣鉤鑠之外。別無有法。以破妄計也。現見世間諸法。不藉因緣。則不能生。既本無性。而無有生。則其自性猶如虛空。云何可說先有諸。

法性耶。是故離因緣鉤鑠而求法者。乃愚昧無知。而妄分別。非智慧者所分別也。此上皆申明亦非。顧諸緣非有性而名之旨也。

復有餘無生賢聖所得法。彼生無生者。是則無生忍。若使諸世間觀察鉤鑠者。一切離鉤鑠。從是得三昧。

唐云。一切諸世間無非是鉤鑠。若能如是解。此人心得定。

疏曰。此下乃申明名亦非無義之旨也。十二緣生。本自無生。此無生之理。乃性德法身也。觀察鉤鑠。知其生。卽無生。妄住忍可。而入三昧。名爲無生法。

忍此乃以修顯性證得意生及分滅。因身方是名
下之實義也。

癡愛諸業等是則內鈎鎖鑽燧泥團輪種子等名外
疏曰。癡卽發業無明能引支也。愛卽潤生無明能
生支也。諸業卽行及取有支也。等者等取識名色
六入觸受所引五支并生老死所生二支也。以執
受故名之爲內。俗諦中之實法也。鑽燧因緣而生
於火。火無自性。泥團輪等因緣而生於器器無自
性。種子水土等緣而生於芽芽無自性。以不執受

名之爲外。俗諦中之假說也。三界依正。唯此內外
假實因緣所生。生卽無生。以四性推簡不可得故。
如此觀察則鈎鎖性離能證無生忍也。

若使有他性而從因緣生。彼非鈎鎖義是則不成就
唐云。若云有他法。而從因緣生。離於鈎鎖義此則非教理。

疏曰。若所引所生果自有性。何藉能引能生。若器
物等果自有性。何藉泥團種子。又設有勝性自在
苦義則教理不成就也。

機仙傳疏四之三

三

若生無自性。彼誰爲釣鑽。唐云。生法若非有。彼誰爲因緣。展轉相生。故當知因緣義。

疏曰。外道不計實有便計斷無。前已破其計。有他性。今更破其計。無自性也。惑業苦三。展轉相生。故

名十二因緣釣鑽。豈無唯心之自性哉。

堅濕煥動法。凡愚生妄想離數無異法。是則說無性。

魏云。離鎖更無法。是故說無體。

唐云。但緣無有法。故說無自性。

疏曰。此更破凡愚妄計四大爲能生也。凡愚妄想分別。謂堅是地性。濕是水性。煥是火性。動是風性。

不知苟離十二因緣釣鑽。豈復有地水火風可得。

故說四大無自體性。皆唯心耳。何能生諸法哉。

如醫療衆病。無有若干論。唐云。其論無差別。以病差別故爲

說種種治。

唐云。方藥種種殊。

我爲彼衆生破壞諸煩惱。知其根優劣爲彼說度門。唐云。演說諸法門。

非煩惱根異而有種種法。唯說一乘法是則爲大乘。

唐云。唯有一大乘清涼八支道。

疏曰。此釋疑也。疑曰。若以所證法身名無生者。二乘七住非其境界。何故平日又說三乘諸教耶。釋

曰。譬如醫論。唯以除病復元爲要。而病有差別。則

方藥暫殊。如來亦爾。唯爲一大事因緣。出世說法。
而根有優劣。故權說三乘。若至煩惱破時。究竟唯
一大乘八正道耳。圓八正道收一切佛法。皆盡。卽
無生法身之體相也。第三十不生不滅門竟。

第三十一辨無常門。魏云。無常品第八。文分爲二。初問

二答。今初

爾時大慧菩薩。復白佛言。世尊。一切外道。皆
起無常妄想。世尊。亦說一切行無常。是生滅法。此義
云何爲邪爲正。爲有幾種無常。

疏曰。前以不生不滅與外道辨異。今更以無常與
外道辨異也。無常之名似同。無常之義有異。云何
爲邪。云何爲正。若邪若正。凡有幾種。皆不可不辨
也。

二答。二初長文。一偈頌。初中二。初示外計。二

示佛法。初又二。初標。一釋。三結斥。今初。

佛告大慧。一切外道。有七種無常。非我法也。何等爲
七。彼有說言。作已而捨。唐云。始起卽捨。是名無常。已不生無
常性。有說形處壞。是名無常。有說卽色是無常。有說

妙法蓮華經疏

卷之三

論

色轉變中間。唐云。色之轉變。是名無常。無間自之散壞。唐云。諸法相續不斷能令變異。自然歸滅。如乳酪等轉變中間不可見。無常毀壞一切性轉。

唐云。猶如乳酪前後變異。雖不可見。然在法中壞一切法。

有說性無常。無常。

有說性無常。無常。

切法不生無常入一切法。

唐云。有說不生無常。徧住一切諸法之中。

疏曰。據佛法中。無常名爲不相應行。是假非實。以有爲法生已必滅故。名無常。言其無物能常住耳。非別有一物名之爲無常也。外道七種無常情計。雖別總認無常以爲有法。故云非我法也。

二釋爲七。而不次第。初釋第六性無性無常。一釋第七不生無常。三釋第五性無常。四釋第一作已而捨無常。五釋第二形處壞無常。六釋第三卽色是無常。七釋第四色轉變中間是名無常。今初

大慧性無性無常者。謂四大及所造自相壞。四大自性不可得。不生。

唐云。物無物無常者。謂能造所造。其相滅壞。大種自性本來無起。

疏曰。外道妄計四大爲能造種種諸物爲所造。能造所造皆有壞滅。而先天無形之四大自性則本

來不生以不生故名之爲常。以壞滅故名爲無常。不知心外無四大。自性不知心外無能造所造也。

二釋第七不生無常

彼不生無常者。非常無常。一切法有無不生。唐云。謂常與無常有無等法。如是分析乃至微塵不可見。是不生義。一切皆無有起。

唐云。乃至分析至於微塵亦非生無所見。以不起故。說名無生。是名不生無常相。

若不覺此者。墮一切外道生無常義。

疏曰。外道計不生無常入一切法。故佛破云。非可謂常與無常有無等法。皆有不一無常偏入其中。

也。若以一切諸法分析乃至微塵不可見。是不生義。非生。遂計此名爲不生無常相者。則分析時。方有無常相生。正墮生無常義。何名不生無常耶。夫常與無常有無等法。並是自心現量。非生非不生。非常非無常。又何容妄計有不生無常耶。

三釋第五性無常

大慧。性無常者。是自心妄想非常無常性。唐云。有物處。自生分別。常所以者。何謂無常。自性不壞。大慧。此是一切性無常事。除無常無有能令一切法性。

現見有別云。何與因生於異果。若性無常者墮作因性相。唐云。若常性是有法者應。若墮者一切性不究竟。一切性作因相墮者。同所作。自無常應無常。是無常唐但云。自無常無常故。一切性不無常應是常。唐云。自無常故。所無常法皆應是常。若無常入一切性者應。墮三世。唐云。若無常性住諸法中。應同諸法墮於三世。彼過去色與壞俱。唐云。彼過去色與壞俱。與過去色同時已壞。未來不生色不生故。現在色與壞相俱。唐云。現在色與壞相俱。俱壞色者四大積集差別。四大及造色自性不壞離異不異故。一切外道一切四大不壞。唐云。一切外道計四大種體性。不壞色者即是大種差別大種造色離異不異故其自性亦不壞滅。一切三有四大及

無性者。唐云。其義云。何彼立無常。自不滅壞。能壞諸法。若無無常壞。一切法法終不滅成於無有。如杖瓦石破壞諸物。唐云。如杖槌瓦石。能壞於物而自不壞。此亦如是。現見各各不異。是性無常事。非作所作有差別。此是無常。此是事。唐云。大慧。現見無常與一切法無有能作所作所作差別。云此是無常。此是所作。作無異者。一切性常。唐云。無差別故能作所作應俱是常。無因性。唐云。有因能令諸法成於無故。大慧。一切性無性有因。非凡愚所知。諸法壞滅實亦有因。非因不相似事生。唐云。異因不見。但非凡愚之所能了。非因不相似事生。應生於異果。唐云。若能生者。一切異法應並相生。彼法此法能生所生應無有別。若生者。一切性悉皆無常。是不相似事。作所作無有別異。而悉見有異。唐云。若能生者。一切異法應並相生。彼法此法能生所生應無有別。

造色在所知有生滅離四大造色一切外道於何所思惟性無常四大不生自性相不壞故

唐云三有之中能造所造

莫不皆是生住滅相豈更別有無常之性能生於物而不滅耶

疏曰外道計有一物名曰無常譬如杖槌瓦石自

恒不壞而能壞一切物若非有此無常何故諸法有已終滅故佛破云若果有一無常能壞一切法者必須分明指出此是能壞之無常此是所壞之事今現見各各不異不可指出既其不異則能作所作皆應是常矣何嘗因彼無常而令諸法壞耶

蓋若約喻則以杖石爲能壞諸物爲所壞能所並可指陳若約法則以無常爲能壞杖石亦屬所壞能所不可指出故也次更告云諸法滅壞實亦有因所謂心生法生心滅法滅但非凡愚所知耳若妄計無常爲因能令諸法滅壞爲果則是異因能生異果若異因能生異果者則一切不相似事悉皆無常能作所作應無別異而現見世間豆不生瓜瓜不生豆人不生鳥鳥不生人云何無常異因能生諸法滅壞之異果耶又若計無常性是有法

者便同所作。若墮所作便非究竟常住之性應亦無常。何名無常自性不壞耶。又彼計能無常者自常故令諸法無常。今能無常者自既無常不將令所無常法反成常耶。蓋彼既不能滅壞諸法。則諸法無能有壞者矣。又若謂有無常性徧入一切法者。應同諸法墮於三世。彼過去色已滅。則過去無常亦滅。未來色不生。則未來無常亦不生。現在色利那變壞。則現在無常亦利那變壞。又何名無常自性不壞耶。夫外道所計四大自性不壞者。以色

卽是四大積聚差別。而能造所造非異。非不異。故妄計云。自性不壞耳。然試諦觀三有之中。一切能造四大及所造色。無不皆是生滅之相。離此能造所造之外。豈更別有無常之性。如四大之不生。令物生滅而自不滅耶。

四釋第一作已而捨無常

離始造無常者。非四大復有異四大。各各異相。唐云。始造卽捨無常者。非大種。以各別故。自相故。非差別。互造大種。以各別故。自相故。非差別可得。彼無差別。唐云。非自相。造。以無異故。斯等不更造。二方便不作。唐云。非復共造。以垂離故。

當知是無常

唐云當知非

疏曰據唐譯標名中云始造卽捨是名無常。生已不復更生故名無常。今以三意研之汝所謂始造者爲互造耶或自造耶或共造耶若云互造則地造水等水造火等之謂也其性各別何能互造若云自造則地還造地水還造水等是也既無差別便無能所何能自造若云更相共造則地水共造於地或地水共造於水等是也犯前二過一者

各別一者無差各別亦不可作方便無差亦不可作方便旣無方便何能共造是則旣無造者何有始造卽捨之無常耶

五釋第二形處壞無常

彼形處壞無常者謂四大及造色不壞至竟不壞

唐云

形狀壞無常者此非能造其所造壞但形狀壞大慧竟者分析乃至微塵觀察壞四大及造色形處異見長短不可得

唐云其義云何謂分析色乃至微塵但

減形狀長短等見非四大四大不壞形處壞現墮在數論

唐云不減能造所造色體此見墮在數論之中

楞伽義疏四之二

四

疏曰。正教之中。雖順凡情。權說青黃赤白。名實色長短方圓。名假色。其實皆是唯識相分。識外總無假實色也。彼既能造所造是實。是故不壞名之爲常。長短方圓形處是假。是故變壞名爲無常。何異數論所計冥諦是常。二十三法轉變是無常耶。

六釋第三卽色是無常

色卽無常者。謂色卽是無常。彼則形處無常。非四大。唐云。謂此卽是形狀。無常非大種性。若四大無常者。非俗數言說。若大種性亦無常者。則無世事。世俗言說非性者。則墮世論。唐云。無世事者當知。

則墮虛見一切性但有言說。不見自相生。唐云。以見相生唯有一切法自言說故。

疏曰。色卽是無常。以因心成體。隨心生滅。故此佛法中因緣正義也。而彼外道乃謂但是形處無常。非四大無常。若四大無常者。則非俗數言說。若無俗數言說性者。則墮斷見世論。以見一切性但有言說。不見自相生故。殊不知但有言說。無自相生。乃是佛法正義。而彼反以爲世論。豈不哀哉。

七釋第四色轉變中間是名無常

楞伽義疏四之三

聖

轉變無常者。謂色異性現非四大。唐云。謂色體變非諸大種。如金作莊嚴具轉變現非金性壞但莊嚴具處所壞。唐云。此以金作莊嚴具。嚴具有變。而金無改。如是餘性轉變等亦如是。亦如是。

疏曰。前標章中已有乳酪轉變之釋。今更加以金莊嚴具之釋。若不執心外有法。正可譬顯隨緣不變妙理。而彼妄計有無常性於中。令彼轉變。不知四大已自無性。何況更有無常性耶。二釋竟

三結斥

如是等種種外道無常見妄想。唐云。虛妄分別見無常性。火燒四

魏云。諸大自體不燒。以彼諸大自體差別故。大慧

說。若火能燒諸大者。則諸大斷滅是故不燒。
○唐云。彼作是說。火不能生諸火自相。但各分散。若能燒者。能造所造。則皆斷滅。

疏曰。外道不達心外無法。故起種種無常妄想。而終不知無常正義也。彼作是說。火燒諸大時。火爲能燒。是能無常。諸大是所燒。是所無常。而火之自相不燒。則無常性。常諸大之自相亦不燒。則諸大亦性常。設使各自相相壞者。則能造所造應斷。而今現見能造所造不斷。豈非諸大與無常性並

機倒義疏四之三

皆常耶。蓋殊不知四大皆唯心現。由心不斷所以妄見能造所造不斷耳。心外豈有能造所造哉。心外豈有能無常所無常哉。初示外計竟

二示佛法

大慧。我法起非常非無常。魏云。我說大及諸塵。非常非無常。○唐云。我說諸法無常。所以者何。謂外性不決定故。魏云。我不說外境取外法故。唯說三有微心。魏云。我說三界。但是自心故。不說種種相。有生有滅。四大合會差別。四大及造色故。不說種種相。是故說言不生不滅。唯是四大因緣和合。非大及塵是實。有法。○唐云。不說諸相故。大種性

處種種差別。不生不滅。故妄想二種事攝所攝。唐云。能取體性。一切皆能造所造故。妄想二種事攝所攝。唐云。能取二種體性。一切皆知二種妄想。唐云。如實而從分別起故。知二取性故。離外性無性。二種見覺。自心現量。唐云。了達唯是自心現故。妄想者思想作行生。非不作行。離心性無性妄想。唐云。離有分別能所造故。世間出世間上上。一切法非常非無常。不覺自心現量。墮一邊惡見相續。唐云。大慧。世間上諸法唯是自心。非常非無常。不能了達墮於外道。二邊惡見。一切外道不覺妄想。此凡夫無有根本。唐云。一切外道不能解了此常性。謂世間出世間上上。從說妄想生。非凡常性。

機。仍義疏四之」

註

愚所覺。

唐云此三種法所有語言分別境界非諸凡愚之所能知

疏曰。四大諸法皆唯心現。本無生滅。亦無能所。非

有非無。非常無常。世法既爾。出世法亦然。出世間

上上法亦然。一皆唯心現。非常無常。外道不覺

故起種種無常妄想耳。若了悟自心現量。則世間

出世間及出世間上上法。本來平等。唯是一心。於

一心中。約迷悟淺深。假分別說。有三種法。所謂無

差而差。差而無差。豈凡愚所能覺哉。初長文竟

二偈頌

爾時世尊欲重宣此義。而說偈言。遠離於始造。及與

形處異。性與色無常。外道愚妄想。

唐云始造卽便捨

形狀有轉變。色物等無常。外道妄分別。

諸性無有壞。大大自性住。外道無常想沒

在種種見。

唐云諸法無壞滅。諸大自性住。外道種種見。如是說無常。

彼諸外道等無若生若滅。大大性自常。何謂無常想。

唐云彼諸外道衆。皆說不生滅。諸大性自常。誰是無常法。

疏曰。初二偈重頌。外道七種無常。後一偈總破無

常義不成也。

一切唯心量。一種心流轉。攝受及所攝。無有我我所。

校仇義疏四之二

卷

唐云。能取及所取。一切唯是心。二種從心現。無有我我所。梵天爲樹根。枝條普周徧。如是我所說。唯是彼心量。魏云。三界上下法。我就無有可得。○唐云。梵天等諸佛。我說。唯是心。若離於心者。一切不可得。

疏曰。此二偈重頌佛法非常無常意也。後一偈若據今文。先二句。叙外計。後二句。正破執。謂外道妄計梵天能生一切。猶如樹根。三界皆從梵天所生。如彼枝條之普周徧。佛眼觀之。毫無實義。但是彼心虛妄分別而已。第三十一辨無常門竟。

楞伽阿跋多羅寶經卷第四義疏上

施資刻印芳名

龍照乘五兩 智定一兩 張門傅氏八錢

普定八錢 黃門周氏 黃門李氏 黃門周氏

共一兩 性達五錢 葉門黃氏五錢

空元四錢 普定三錢 普博二錢 普定二錢

馬門朱氏一錢三分 李門陳氏 姚門王氏

張門王氏 普記各一錢 王門劉氏五分

已上三卷功德共三十二兩八錢九分曇印勸助

楞伽阿跋多羅寶經卷第四義疏下

魏云入道品第九。

第三十二滅正受門

魏云現證品第四。

文分爲

三初請問二許宣三正說

今初

爾時大慧菩薩復白佛言世尊惟願爲說一切菩薩聲聞緣覺滅正受次第相續

魏云入滅定次第相續相

若善於滅正受次第相續相者我及餘菩薩終不妄

捨滅正受樂門不墮一切聲聞緣覺外道愚癡

魏云若得

善知入滅盡定次第之相巧方便者不墮聲聞辟支

佛三昧三摩跋提滅盡定樂不墮聲聞辟支佛外道

迷惑之法○唐云善知此已於滅盡三昧樂

心無所惑不墮二乘及諸外道錯亂之中

疏曰滅盡定亦名滅受想定。若於九次第定之中則是最後定也。能令恒行染汚心心所滅唯有第八識及第七識一分不染汙心心所在。令身安和故亦名定不受一切世間諸受故名正受。三乘聖人已斷下四地思惑已伏無所有處思惑依於有頂非非想處遊觀無漏由暫止息作意爲先乃能入此。然滅盡之名則同而大小乘方便永異。小乘入已止息勞慮大乘入已能現威儀則其次第相續之相亦必不同所以特問之也。

二許宣

佛告大慧。諸聽。善思念之。當爲汝說。大慧白佛言。世尊。唯願爲說。

三正說二。初長文。二偈頌。其初中二。初對凡外明三乘減定差別。二對二乘明菩薩減定方便。

初又二。初正明差別。二明說差別意。今初佛告大慧。六地菩薩摩訶薩及聲聞緣覺入滅正受。

第七地菩薩摩訶薩念念正受。離一切性自性相正受。非聲聞緣覺。唐云七地菩薩念念恒入離一切法自性相故。非諸二乘諸聲聞。

緣覺墮有行覺攝所攝相滅正受。是故七地非念正受得一切法無差別相非分得種種相性覺一切法善不善性相正受。是故七地無善念正受。唐云。二乘所取不得諸法無差別相了善不善自相共相入於滅定。是故不能念念恒入。

疏曰。此約三乘共十地以辨滅定之差別也。六離欲地三乘初能入滅盡定以其已斷下界惑故。七地菩薩能觀法空故能念念恒入七地二乘但得生空不得法空猶墮有作。有能所取覺一切法有善不善厭離有漏遊觀無漏乃入滅定不達諸法。

無差別相所以第七識中我執雖滅法執猶存未能念念恒入也。此約菩薩根利進同別圓二乘根鈍退同藏教言之。

大慧。八地菩薩及聲聞緣覺心意意識妄想相滅。唐云。始從初分別初地乃至七地菩薩摩訶薩觀三界心意意識減量離我我所妄想修墮外性種種相。唐云。始從初觀察三界一切唯是心意意識自分別起離我我所不見外法種種諸相。魏云。不墮外法種種諸相愚夫二種自心攝所攝向無知不覺無始過惡虛偽習氣所熏。唐云。凡愚不知由無始來過惡熏習於大自心內變作能取所取之相而生執著。

慧八地菩薩摩訶薩聲聞緣覺涅槃。菩薩者三昧覺所持是故三昧門樂不般涅槃唐云。八地菩薩所得涅槃。以諸佛力所加持。故於三昧門不入涅槃。

疏曰。此明三乘之人修至八地。則三界妄想相滅。蓋由始從初地乃至六地通觀三界唯心離我我所。不見不墮外種種相。所以聲聞則正使斷盡止於七地。逮入涅槃亦同八地。緣覺則兼侵習氣階於八地。菩薩則所得三昧同於二乘。但由佛力加持不同二乘入滅也。若夫愚夫則於自心之中變

作能攝所攝二種妄相。無知執著乃無始過惡虛僞習氣所熏彼等自不覺耳。三乘之人始從初地卽能覺知觀察。故至八地妄想相滅也。若不持者如來地不滿足。乘捨一切爲衆生事故。佛種則應斷。諸佛世尊爲示如來不可思議無量功德。唐更有云。今其聲聞緣覺三昧門得樂所牽故作涅槃想。究竟不入涅槃。是故於中生涅槃想。

疏曰。此釋成菩薩受加之意也。華嚴明八地受加正是別圓接通之旨。以十地中初之三地寄同世

間。四地寄初果。五地寄聲聞。六地寄緣覺。七地寄菩薩。名爲三乘。八地以上。正顯一乘。一乘卽別圓二教。不與二乘共也。初正明差別竟。

二明說差別意

大慧。我分部七地。善修心意意識相。善修我我所攝受人法。無我生滅自共相。魏云。遠離我我所取相之法。觀察我空法。空觀察同相異。善四無礙。決定力三昧門。地次第相續入道品法。魏云。善解四無礙巧方便義。自在次第入於諸地。菩提分法。不令菩薩摩訶薩不覺自共相。不善七地。墮外道邪徑。故立地次第。唐云。

我恐諸菩薩不善了知。自相共相。不知諸地相續次第。墮於外道諸惡見中。故如是說。大慧。彼

實無有若生若滅。除自心現量。所謂地次第相續及三界種種行。唐云。諸地次第。三界往來。一切皆是自心所見。愚夫所不覺。愚夫所不覺者。謂我及諸佛說地次第相續。及說三界種種行。唐云。諸地次第。三界往來。一切皆是自心所見。愚夫所不覺。愚夫所不覺者。謂我及諸佛說地次第相續。及說三界種種行。唐云。而諸凡愚不能了知。以不知故。我及諸佛爲如是說。三根門禁難行

疏曰。分部者。分別演說明其分位及部類也。若不

於唯心法門之中。假立三乘諸地次第。何由令彼返邪歸正。然雖說地次第。及說三界往來諸行。究竟不出一心。豈於心外有生滅哉。初對凡外明三

乘滅定差別竟

機倒垂疏四之十

五

二對二乘明菩薩滅定方便二初約修顯次第
二約性顯平等 初中三初明二乘之失。二明
菩薩之得 今初攝受見妄想涅槃想非寂滅智慧覺唐云。聲聞緣覺
至於菩薩第八地中。爲三昧樂之所昏醉。未能善了。唯心所見。自共相習纏覆其心。著二無我。生涅槃覺。非寂滅慧。
復次大慧聲聞緣覺第八菩薩地滅三昧門樂醉所
醉不善自心現量。自共相習氣所障墮人法無我法
攝受見妄想涅槃想非寂滅智慧覺唐云。聲聞緣覺
至於菩薩第八地中。爲三昧樂之所昏醉。未能善了。唯心所見。自共相習纏覆其心。著二無我。生涅槃覺。非寂滅慧。
疏曰。二乘斷見思盡泯智灰身亦至菩薩第八地

中。由彼但見於空。不見不空。但破界內法執未破
界外法執。故猶爲習氣所障著二無我。遂於化城
生安隱想生已度想。不知諸法本來常寂滅也。
二明菩薩之得三初正明。二立喻三法合 今
初

大慧菩薩者。見滅三昧門樂。本願哀愍大悲成就。知
分別十無盡句。唐云。即便憶念本願大悲。具足修行十無盡句。不妄想涅槃
想。彼已涅槃妄想不生。故離攝所攝妄想覺了自心
現量。一切諸法妄想不生。不墮心意意識外性自性

相計著妄想。非佛法因不生。隨智慧生。唐云。然非不起佛法正因隨智慧行得如來自覺地。

疏曰。此明菩薩由憶大悲本願。故不於空取證能見不空中道。起佛法正因得如來極果也。

二立喻

如人夢中方便度水未度而覺。覺已思惟爲正爲邪。
唐云。覺已思惟向之所見爲是真實爲是虛妄所非正非邪。餘無始見聞覺識因想種種習氣種種形處墮有無想心意意識夢現。

唐云。覆自念言。非實非妄。如是但是見聞覺知曾所更事。分別習氣離有無念意識夢中之所現耳。○魏云。

云。不離有無意識
熏習。於夢中見

疏曰。迷於心性。妄見二種生死。喻之以夢。夢中河海。以喻三界生死。夢中彼岸。以喻二乘涅槃。未度而覺。以喻菩薩不證涅槃能見心性也。此彼兩岸既皆是夢。故非實非虛。非邪非正。以既覺則非實。在夢則非虛。了之則非邪。執之則非正。故夢是獨頭意識境界。生死涅槃是妄想分別境界也。

三法合

大慧。如是菩薩摩訶薩。於第八菩薩地見妄想生。

魏云

見分從初地轉進至第七地。見一切法如幻等。唐云。始從初地而至七地。乃至增進入於第
公得無分別。見一切法皆如幻等。方便度攝所攝心妄想行已。作佛法方便未得者令得。唐云。雖能所取力用。勤修佛人慧。此是菩薩涅槃方便不壞。離心意法。未證令證。人慧。此是菩薩涅槃方便不壞。離心意識得無生法忍。唐云。離心意意識妄分別想。獲無生忍。此是菩薩所得涅槃非滅壞也。

疏曰。初地轉進至第七地。合夢渡水喻也。八地見妄想生。合覺喻也。見一切法如幻等。合非實非虛喻也。作佛法方便未得者令得。合覺後事也。二乘

取空故成滅壞。菩薩觀空而見不空故方便不壞。轉識成智。得於中道無生法忍。初約修顯次第竟。二約性顯平等。

大慧於第一義無次第相續說。無所有妄想寂滅法。唐云。第一義中無有次第。亦無相續。遠離一切境界分別。此則名爲寂滅之法。

疏曰。本元真如寂滅一心。名爲第一義諦。生佛平等。迷悟無差。譬如演若本頭。元無得失。由分別故狂怖妄走。由忽悟故名爲狂歇。由有狂走狂歇。方論次第相續。而本頭上。何有次第相續之可論哉。

然於境界分別未離。須藉次第相續之說。方便令離。否則長夜在夢。何時能覺。故知全修在性。全性起修。乃合此經之宗致耳。初長文竟。

二偈頌

爾時世尊欲重宣此義。而說偈言。心量無所有。此住及佛地。唐云。諸住及佛地。唯心無影像。去來及現在。三世諸佛說。此是去來今。心量地第七。無所有第八。二地名爲住。諸佛之所說。佛地名最勝。唐云。七地是有心。八地無影像。此二地名住。餘則我所得。

疏曰。初一偈。總明聲聞緣覺菩薩佛地總是唯心。

心外別無所有。此三世佛之正說也。次一偈。於唯心分別地相。謂第七地前從假入空。猶存空之心量。故與二乘是同。至第八地從空入假。能見不空。不存空之影像。故顯菩薩獨勝。此第七第八二地。一住於空。一住不空。猶未最勝。唯有佛地。正證中道。方我所自得也。而此諸地。並是唯心。

自覺智及淨。唐云。自證。及清淨處。色究竟莊嚴。此則是我地自在最勝處。清淨妙莊嚴。

唐云。摩醯最勝處。色究竟莊嚴。照曜如盛火光明。悉徧至熾燄。燄不壞目。周輪化三有。唐云。譬如大火聚。光燄熾然發化。現於三有悅意而

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

清涼類不空見聞錄卷之十一

疏曰。此明證佛地者能於色究竟天示現世間最高大身化度三有光明熾盛而不壞目令人悅意清涼不同魔及龍火等光也。

化現在三有唐云或有現變化或有先時化於彼演說乘唐云於彼說皆是如來地

疏曰。此明或只今現在化或過去先時化所說諸乘皆是爲實施權。若開權顯實則皆是如來地也。十地則爲初初則爲八地第九則爲七。七亦復爲八

第二爲第三第四爲第五第三爲第六無所有何次疏曰。此明於佛地中。權施諸地其性本融故一地卽一切地。一切地卽一地。本於無次第中。假說次第。所以次第卽無次第也。第三十二滅正受門竟

第三十三常無常門魏云問如來當無常品第十五。唐云如來當無常品今初

爾時大慧菩薩復白佛言。世尊。如來應供等正覺爲常爲無常。常限不盡。計數無窮。常限不盡。量無疏曰。前雖屢明非常。皆約法性辨之。未辨修

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

德今因上文云佛地名最勝故問佛地三德爲常

常爲無常也常則不應佛所獨得無常則不應最勝

論補二答二初長文二偈頌事初中四初正明非常

非無常二約喻顯非常三約智顯常四結顯非

常非無常初又三初雙遮二雙破三雙結

今初

佛告大慧如來應供等正覺非常非無常謂二俱有過

二雙破又二初破常二破無常六今初

若常者有作主過常者一切外道說作者無所作是

故如來常非常非作常有過故

唐云。若如來常者。有能作過。一切外道說

能作過。一切外道說

常

疏曰外道計自在微塵神我等爲能作者真實常住唯識破云若能作者即便非常有動轉故今但

明如來常非同自在神我等常以自在神我等皆

是外道妄計無實義而有過故

疏文。釋音。卷第十一。附錄。原註。一。附錄。

二破無常

若如來無常者有作無常過陰所相相無性陰壞則

應斷。而如來不斲。唐云。若無常者。有所作過。同於諸
蘊爲相。所相畢竟斷滅而成無有。

然佛如來無常過。一切智衆具方便應無義。唐云。一切所作如
是則如來有無常過。以所作故。一切所作皆是無常。
所修福智悉空無益。瓶衣等皆是無常。

來無差別因性故。唐云。又諸作法應是如來。無異因故。

疏曰。若如來是所作應同五陰終歸壞滅。而如來不滅故非無常。又若所作應如瓶衣。所修福智悉空無益而福智不空。故非無常。又若所作則一切所作皆應名佛。而實不名佛。故佛非無常也。二雙

破竟

三雙結界。四大種。衣觀封而日吸來。遺棄是故大慧。如來非常非無常。空無能本不生。至諸初正明非常非無常竟。

二約喻顯非常。復次大慧。如來非如虛空常。如虛空常者。自覺聖智。衆具無義過。唐云。如來非常。若是常。大慧譬。如虛空非常。非無常。離常無常。一異俱。不俱常。無常過。故不可說。若異俱不俱等諸過失故。一。是故如來非常。

疏曰。虛空無修德。如來雖是諸法如義而因修德。所顯故與虛空不同。又虛空已離常無常等四句。過失。况如來而可以常無常等四句說耶。

復次大慧。若如來無生常者。如兔馬等角。以無生常故。方便無義。以無生常過故。如來非常。唐云。如來非常。若是常者。則是不生。固於其滅當盡。

疏曰。世所謂常。不過謂如虛空謂本不生。乃至謂如自在神我微塵四大時方勝性而已。如來豈同此戲論常哉。二約喻顯非常竟。

大般若經卷之四

三約智顯常

復次大慧。更有餘事。知如來常。所以者何。謂無間。所得智常。故如來常。唐云。以別義故。亦得言。竊何以故。謂以現智證常法故。證智是常。如來亦大慧。若如來出世。若不出世。法畢定住。唐云。諸所證法性。法住法位。如來常住。不易聲聞緣覺諸佛。如來無間住。不住虛空。唐云。在於一切二乘外。若不出世。常住。非是空無。亦非愚夫之所覺知。唐云。然非凡愚之所能知。大慧。如來所得智。是般若所熏。非心意意識。彼諸陰界入處所熏。唐云。大如來者。以清其名。非以心意意識。蘊界處法妄習得。名大慧。一切三有皆是不實妄想。

所生。如來不從不實虛妄想生。

疏曰。無間所得智謂無間三昧中所發無漏證智也。二空所顯真如徧一切法故無間住而非空無住也。外道凡夫及二乘愚昧故日用不知耳。如來所得智者果上圓滿四智也。般若者因中妙觀察智平等性智也。三有依正從妄分別而生。所以無常如來依正皆是大圓鏡智所現。所以稱性常住也。如來依正皆是大圓鏡智所現。所以稱性常住也。

四結顯非常非無常

大慧以二法故有常無常非不二。不二者寂靜。一切

法無二生相故是故如來應供等正覺非常非無常

唐云。若有於二。有常無常。如來無二。證一切法無生相故。是故非常亦非無常。

大慧乃至言說分別生則有常無常過。分別覺滅者則離愚夫常無常見不寂靜。慧者永離常無常。非常無常熏唐云。乃至少有言說分別生。即有常無常過。乃至是故應除二分別覺勿令少在。

宗疏曰。若達唯心。則色心不二。能所不二。性修不二。

乃至說默亦不二矣。何有常無常哉。初長文竟

二偈頌

爾時世尊欲重宣此義而說偈言。衆具無義者生常

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

無常過。若無分別覺承離常無常。

魏云。離於常無常。非常非無常。若見

如是佛。彼不墮惡道。若說常無常。諸功德虛妄。無智者分別遮說。常無常。○唐云。遠離常無常。而現常無常。恒如是觀物。不生於惡見。若常無常者。從其所立。所集皆無益。爲除分別覺。不說常無常。

宗則有衆襍義等觀。自心量言說不可得。

唐云。乃至有所立。一

切皆錯亂。若見唯自心。是則無違諍。○魏云。所有立法者。皆有諸過失。若能見唯心。彼不墮諸過。

無疏曰。准魏唐二譯。皆先以一偈。正顯宗旨。後二偈。

皆前二句明失。後二句明得也。第三十三常無常

門竟

法華第三十四陰界入生滅門。魏云。佛性品第十一。唐云。剎那品第六。

此文分爲三。初請問。二許宣。三正說。今初

爾時大慧菩薩復白佛言。世尊。唯願世尊更爲我說。

陰界入生滅。彼無有我。誰生誰滅。愚夫者依於生滅。

不覺苦盡。不識涅槃。

唐云。不求盡。
菩不證涅槃。

主疏曰。阿含諸經。但說陰界入剎那生滅。無我我所。

不說如來藏。舉體隨緣。故問誰生誰滅也。又生滅。若總無體。云何依之。長溺苦流。不證涅槃。彼岸耶。

二許宣

佛言。善哉。諦聽。當爲汝說。大慧白佛言。唯然受教。

三正說二初長文二偈頌初中三初總指藏性隨緣二別示迷悟得失三廣勸勝進修學

告今初
佛告大慧。如來之藏。是善不善因。能徧興造一切趣生。譬如伎兒變現諸趣離我我所。
疏曰。善不善者。徧指十界染淨法也。藏性非善亦非不善。隨迷染緣則爲不善之因。隨悟淨緣則爲善因。由善不善徧造一切趣生。譬如伎兒非丑裝丑非生裝。生非旦裝。旦非外裝外也。然正裝丑時。

元非是丑乃至正裝外時。元非是外。所以離我我所以要言之。不變隨緣故變現諸趣隨緣不變故舍離我我所。以前文名爲無我如來之藏也。豈同外道所計神我及冥諦哉。

因不二別示迷悟得失。二初示迷者之失。二示悟者之得。其初又二。初約凡外示。二約二乘示。今不覺彼故。二緣和合方便而生。唐云。以不覺故。三外緣和合而有果生。外道不覺計著作者。唐云。執爲作者爲無始虛偽惡習所

機微錄卷之二

熏名爲識藏。生無明住地。與七識俱。唐云。無始虛偽惡習所熏。名爲藏識。生於七識。任地如海浪。身長生不斷。離無常過。離於我論。自性無垢。畢竟清淨。唐云。譬如大海而有波浪。其體相續。恒住不斷。本性清淨離無常過。其餘諸識有生有滅。意意識等念念有七。因不實妄想。取諸境界種種形處。許著名相。不覺自心所現色相。不覺苦樂。不至解脫。名相諸縳。貪生生。貪唐云。其餘七識。意意識等念念生滅。妄想爲因。境相爲緣。和合而生。不了色等自心所現。計著名相。起苦樂受。名相經練。既從貪生。復生於食。

疏曰。如來藏心。所謂性覺妙明。本覺明妙也。不覺

彼故。三緣和合而有果生。所謂妄爲明覺。覺非所明。因明立所。所既妄立。生汝妄能也。計著作者。所謂外道執之爲神我也。惡習所熏名爲識藏。所謂生滅與不生滅和合。名爲阿賴耶識也。生於七識。無明住地者。由第八識中具有我法二執種子。所生現行與第七第六二識相應。若六七二識相應。之俱生法執。名爲根本無明住地煩惱。若六七二識相應之俱生法執。名爲欲愛住地。色愛住地。無色愛住地。煩惱若第六識相應之分別。我法二執。

名爲見一切住地煩惱。又第六識界內分別法執
名爲見惑若界外分別法執亦名無明也。自性無
垢者雖未轉依性是無覆無記也不覺苦樂者起
苦樂受而不知其因緣故終不至解脫也。餘可知

二約二乘示

若因若攀緣彼諸受根滅。唐云。若因及所緣諸取根滅。次第不生
餘自心妄想不知苦樂。唐云。不相續生自慧分別苦樂受者。入滅受想
正受第四禪善真諦解脫。唐云。或得滅定或得四禪。或復善入諸諦解脫。修
行者作解脫想不離不轉名如來藏識藏。唐云。便妄生於得解脫。

脫想而實未轉如來藏中藏識之名。七識流轉不滅所以者何。彼因攀
緣諸識生故。唐云。若無藏識七識則滅。何以故。因彼及所緣而得生故。非聲聞緣
覺修行境界不覺無我自共相攝受生陰界入。唐云。然非一切外道二乘諸修行者所知。境界以彼唯了人無我性於蘊界處取於自相及共相故。

疏曰此明外道二乘修得四禪已上出離憂苦喜
樂諸受或入滅定或見真諦遂妄生解脫想不知
未捨藏識之名未斷第七識中俱生法執縱令二
乘覺人無我猶未覺法無我猶取蘊等自共相故
所以不能通達如來藏性之境界也。初示迷者之

失竟

機微集卷四之三

二示悟者之得。見如來藏。五法自性人法無我則滅。地次第相續轉進。唐云。若見如來藏。五法自性諸餘外道見不能領動。是名菩薩住不動地得十三昧道門樂。唐云。不爲所動。住不動地。得於十種三昧樂門。三昧覺所持觀察不思議佛法。自願不受三昧門樂及實際。唐云。爲三昧力。諸佛所持觀察不思議佛法及本願力。不住實際。及三昧樂。向自覺聖趣。不共一切聲聞緣覺及諸外道所修行道。唐云。獲自證智。不與二乘諸外道共。得十賢聖種性道。

及身智意生離三昧行。

唐云。得十聖種性道及意生智身離於諸行。

疏曰。由諸衆生迷如來藏舉體而爲生滅八識。著相計名妄想分別對治彼故。說有正智及與真如建立三性染淨差別。顯彼所執若我若法皆不可得。若見如來藏心從迷得悟。則地地轉進。種種對治施設法門自轉滅矣。由通八地得見中道。不爲二邊所動。故亦名不動地。從此登聖種性十地智身。不唯離有爲行。亦且離三昧行矣。前文所謂十地。則爲初初地。則爲八。此之謂也。二別示迷悟得

失竟

三廣勸勝進修學且論三根計度文說聞十
是故大慧。菩薩摩訶薩欲求勝進者當淨如來藏及
識藏名。大慧若無識藏名如來藏者。唐云。若無如來
藏名識者
則無生滅。大慧然諸凡聖悉有生滅。修行者自覺聖
趣現法樂住不捨方便。唐云。是故一切諸修行者。雖
勇猛精進。大慧此如來藏識藏。一切聲聞緣覺心想所見
客塵所染而爲不淨。一切二乘及諸外道臆度起見不能現證。非諸如來大慧如來

者現前境界猶如掌中視阿摩勒果。唐云如來於此掌中看。大慧我於此義以神力建立令勝鬱夫人及利智滿足諸善薩等宣揚演說如來藏及識藏名七識俱生聲聞計著見人法無我。唐云我爲勝鬱夫人及於深妙淨智菩薩說如來藏名藏識與七識俱起令諸聲聞見法無我故勝鬱夫人承佛威神說如來境界非聲聞緣覺及外道境界如來藏識藏唯佛及餘利智依義善薩智慧境界。唐云爲勝鬱夫人說佛境界非是外道二乘境界大慧此如來藏藏識是佛境界與汝等比淨智菩薩隨順義者所行之處非是一切執著文字外道二乘所行之處是故汝及餘善薩摩訶薩於如來藏識

藏當勤修學。唐云。當勤觀察。莫但聞覺作知足想。

疏曰。如來藏舉體而爲識藏。由我執故。名阿賴耶。

由法執故。名爲異熟。故其名未淨也。凡夫則有分段生滅。聖人則有變易生滅。雖得現法樂住證無分別。法空真如。而異熟未空。猶須不捨方便。況但

聞覺可作知足想乎。聞覺者圓聞圓解。勝於二乘外道之不聞。或雖聞不解也。初長文竟。

二偈頌

爾時世尊欲重宣此義。而說偈言。甚深如來藏。而與

七識俱。二種攝受。生智者則遠離。

唐云。執著二種如生了知。則遠離。

鏡像現心。無始習所熏。

唐云。無始習所熏。

像現於心。

如實觀察者。

諸事悉無事。

唐云。若能如實想。

境相悉無有。

如愚見指月。觀指不觀

月。計著名字者。不見我真實。心爲工伎兒。意如和伎者。五識爲伴侶。妄想觀伎衆。

唐云。作心想。

疏曰。前二偈頌。如來藏爲迷悟及染淨依。次一偈頌。誠但聞不修。勝進後一偈。譬顯八識差別相也。

第八受熏持種能變根身器界。故如工伎兒。第七妄執我法熏成染法種子。故如和伎者。五識緣現

在境起惑造業故爲伴侶。第六妄現分別起諸計執故爲觀伎衆也。第三十四陰界入生滅門竟第三十五五法自性識無我門魏云。五法門品第十二文分爲三。初請問。二許宣。三正說。今初

爾時大慧菩薩白佛言。世尊。惟願爲說五法自性識二種無我究竟分別相我及餘菩薩摩訶薩。於一切地次第相續分別此法入一切佛法。入一切佛法者乃至如來自覺地唐云。善知此已漸修諸地。具諸佛法。至於如來自證之位。

疏曰。五法自性識二無我。前文已明之矣。但未說

其究竟差別之相。故重問之。

二許宣

佛告大慧。諦聽。諦聽。善思念之。大慧白佛言。唯然受教。

教長

三正說二。初正明其相。二明五法攝一切法。

初中二。初略明迷悟通依。二廣顯述悟差別。

佛告大慧。五法自性識二種無我分別趣相者。謂名相妄想。唐云。別正智如如。若修行者修行。唐云。觀察此法。入如

來自覺聖趣離於斷常有無等見現法樂正受住現
在前唐云得現法樂甚深三昧大慧不覺彼五法自性識二無我
自心現外性凡夫妄想非諸聖賢唐云凡愚不了五法自性諸識無我
於心所現見有外物而起分別非諸聖人

疏曰五法自性識二無我二一切皆是名相。一切皆
是妄想。一切皆是正智。一切皆是如如故能觀察
則離斷常等見證於自覺現法樂住若不覺了則
妄見心外有物而爲凡愚虛妄分別也

廿二廣顯迷悟差別二初疑問二答釋 今初

大慧白佛言云何愚夫妄想生非諸聖賢

唐云云不了而起分別

二答釋五初明迷名起過二釋因迷有相三釋
愚識分別妄想四釋正智了悟五釋所悟如如 今
初

佛告大慧愚夫計著俗數名相隨心流散唐云凡愚假立心隨流動流散已種種相像貌墮我我所見希望計著
妙色唐云見種種相計我我所染著於色計著已無知覆障故生染著
染著已貪恚癡所生業積集唐云覆障聖智起貪瞋癡造作諸業積集

卷之二

已妄想自纏。如蠶作繭。墮生死海。諸趣曠野。如汲井

輪。唐云。如蠶作繭。妄想自纏。墮於諸趣。生死大海。如汲水輪。循環不絕。以愚癡故。不能

知如幻野馬。水月。自性離我。我所起於一切不實妄

想。離相所及生住滅。從自心妄想生。

唐云。不知諸法如幻。如淡

如水中月。自心所見妄分。非自在時節微塵勝妙生

別起。離能所取及生住滅。非自在時節微塵勝妙生

愚癡。凡夫隨名相流。

唐云。謂從自在時節微塵勝性而生隨名相流

疏曰。諸法無性。但有假名。一切凡愚皆隨假名妄

生計。著起惑造業。流轉生死。不知皆是唯心所現。

大非從自在時節等生也。

二釋因迷有相

大慧。彼相者。眼識所照。名爲色。耳鼻舌身意意識所照。名爲聲香味觸法。是名爲相。

疏曰。心外無相。但隨八識所照。相分名爲六塵。假如以心緣心。則所緣心亦成法塵。故六塵相攝。一切法無不盡也。

大慧。彼妄想者。施設衆名顯示諸相。如此不異象馬車步男女等名。是名妄想。

唐云。分別者。施設衆名顯示諸相。謂以象馬車步男

女等名而顯其相。此事如是決定不異是名分別。

疏曰。妄想爲能分別。名相爲所分別。由分別故。乃有名相。由名相故。方有分別。互爲緣起者也是故。能所皆依他起中間所執我法實不可得。乃名爲徧計也。

四釋正智了悟。大慧正智者。彼名相不可得。猶如過客。唐云。謂觀名相。互爲其客。諸識不生。不斷。不常。不墮。一切外道聲聞緣覺之地。疏曰。因名有相。因相有名。名無得相之功。相無當

名之實。故云猶如過客。言其無有實我實法也。了

此我法本空則妄識不起。無性緣生。故不斷緣生。無性。故不常。超過外道二乘之地。故名正智也。

五釋所悟。如如二初正明所悟。二明能悟益。

今初

復次大慧。菩薩摩訶薩以此正智。不立名相。非不立。多捨離。二見建立及誹謗。知名相不生。是名如如。唐云。以其正智觀察。名相非有。非無。遠離損益。二邊惡見。名相及識。本來不起。我說此法。名爲如如。

疏曰。立名相。則墮有邊。名建立增益。過不立名相。

則墮無邊名誹謗損滅過而名相之體本不生起
本非有無常如其性。強名爲如如也。

二明能悟益

大慧菩薩摩訶薩住如如者得無所有境界故得菩
薩歡喜地。唐云。住如如已。得無照現境。昇歡喜地。得菩薩歡喜地已。永
離一切外道惡趣。正住出世間趣。法相成熟分別幻
等一切法。唐云。知一切法。猶如幻等。自覺法趣相。唐云。證自聖智所行之法。離諸妄想見性異相。
唐云。離臆度見。次第乃至法雲地。於其中間。二昧力自在神通開敷。得如來地已。種種變化圓

照示現成熟衆生。如水中月。善究竟滿足十無盡句。
爲種種意解衆生分別說法。法身離意所作。是名菩
薩入如如所得。

疏曰。初地創證真如。遠離能取所取二種相。故名
爲無照現境。從此有進無退。數數修習得成如來
自利究竟利他不息。具如經論廣明。皆由入如如
之所得。可不善修。唯心識觀以階真如實觀乎。初
正明其相竟。

二明五法攝一切法二。初問。二答。今初

大慧善薩白佛言。世尊。云何世尊爲三種自性。

入於五法。爲各有自相宗。二譯皆無宗字

疏曰。若論佛意。祇一名字。已收五法三性八識。二無我盡。故但約五法。荅卽爲徧荅所問。大慧恐人

依文失旨。所以重問之耳。

二荅二。初長文。二偈頌。初中二。初正明攝入。

三入。二重釋法義。初又三。初總標攝入。二別示攝

入。三結成攝入。今初

佛告大慧。三種自性及八識。二種無我悉入五法。

疏曰。佛法之妙。妙在一卽一切。一切卽一。一攝一切。一切攝一。一切入一。一入一切。故五法爲法界。則五法攝一切法。一切法悉入五法。三自性爲法界等。無不爾也。

三別示攝入三。初明攝入三法。二明攝入八識。

三及三無我。今初去心五脣吸吸不可起。大慧。彼名及相。是妄想自性。唐云。是妄許性。大慧。若依彼妄想。生心心法。名俱時生。如日光俱。種種相。各別分別持。是名緣起自性。唐云。以依彼分別心心所法俱時而起。如日與光。是緣起性。大

慧。正智如如者不可壞故。名成自性。

疏曰。名相本空。則妄想依彼名相。大而起妄想。依彼妄想而持名相。如日與光俱時而起。則緣起自性入五法也。正智如如不可壞故。則

圓成性入五法也。

二明攝入八識及二無我。

復次大慧。自心現妄想八種分別。謂識藏意意識及五識身。相者不實。相妄想故。我我所二攝受滅。二無我生。唐云於自心所現生執著時有八種分別起。此差別相皆是不實。唯妄計性。若能捨離二種我

執二無我智即得生長事端不實

疏曰。虛妄假名。本唯心現。由分別故。則有八種分

具別。相起。此名此相。皆唯妄想。離二我執名爲正智。

二空所顯名爲如如。則八識二無我入五法也。二別示攝入竟。

三結成攝入。是故大慧。此五法者。聲聞緣覺菩薩如來。自覺聖智。諸地相續次第。一切佛法悉入其中。

疏曰。一切佛法皆入五法。况三自性八識二無我。

耶例亦得云。一切佛法皆入三性皆入八識二無

我也初正明攝入竟

長部二重釋法義

復次大慧五法者相名妄想如如正智大慧相者若處所形相色像等現等形狀各別是名爲相若彼有如是相名爲瓶等卽此非餘唐云依彼諸相立瓶是說爲名施設衆名顯示諸相瓶等心心法是名妄想唐云心心所法是名分別彼名彼相畢竟不可得始終無覺於諸法無展轉離不實妄想唐云彼名彼相畢竟無有是妄心展轉分別如是

觀察乃至覺滅是名如如真實決定究竟自性不可得彼是如相唐云真實決定究竟根我及諸佛隨順入處普爲衆生如實演說施設顯示唐云如其實相開示演說於彼隨入正覺不斷不常妄想不起隨順自覺聖趣一切外道聲聞緣覺所不得相唐云若能於此隨順悟解離斷外道是名正智大慧是名五法三種自性八識二乘境界

是名正智大慧是名五法三種自性八識二種無我一切佛法悉入其中唐云普方便學亦教他人勿隨於他唐云汝應以自智善巧達通達此已心則決定不隨他轉

卷之四

三

疏曰。此中重釋意顯。三界所有種種境界無非是相。依相所立無非是名。設名顯相。心心所法無非妄想。離此相名妄想思覺。則一切法無非如如。證此如如。卽究竟根本智。開示演說此如如。卽究竟後得智。隨順悟入。卽分證根本智及後得智也。初長文竟

二偈頌

爾時世尊。欲重宣此義。而說偈言。五法三自性。及與入種識。二種無。有我悉攝。摩訶衍。

唐云。普攝於大乘。名相虛

妄想。自性二種相。

唐云。名相及分別二種自性攝。

正智及如如。是則爲成相。

疏曰。一往且以名相攝。分別性妄想攝。緣起性正智。如如攝。成自性。則亦以八識攝。分別及緣起性。二無我攝。成自性也。若細料簡。具如唯識論所明。

第三十五五法自性識無我門竟

第三十六恒河沙門。

魏云。恒河沙品第十三。

文分爲二。初

問。二答。更今初。

爾時大慧菩薩復白佛言。世尊。如世尊所說句。過去

諸佛。如恒河沙。未來現在亦復如是。云何世尊。爲如
說而受。爲度更有餘義。惟願如來哀愍解說。

二荅二。初長文。一偶頌。初中二。初荅莫如說。受。二荅更有餘義。今初

佛告大慧。莫如說受。三世諸佛量。非如恒河沙。所以者何。過世間望。非譬所譬。唐云。三世諸佛。非如恒沙。何以故。如來最勝。超諸世間無與等者。非喻所及。以凡愚計。常外道妄想。長養唯以少分爲其喻耳。唐云。我以凡愚諸外道等。心恒執著。常與無常惡見增長。生死輪迴。欲

非如優曇鉢華。難得見故。息方便求。唐云。令其厭離。發勝希望。言佛
易成房可逢值。若言難遇。如優曇華。彼
便退怯。不勤精進。是故我說如恒河沙。有時復觀。諸
受化者。作如是言。佛難值遇。如優曇鉢華。優曇鉢華。
無已見。今見當見。如來者。世間悉見。唐云。如來則有已現當見。不
以建立自通。故說言如來出世。如優曇鉢華。唐云。如是譬喻。
非說大慧。自建立自通者。過世間望彼諸凡愚。所不能信。自覺聖智境界。無以爲譬。真實如來。過心意意
識所見之相。不可爲譬。唐云。自法者。內證聖智所行。切凡夫不能信受。大慧真實如來。超心
意意識所見之相。不可於中而立譬喻。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

疏曰。約機則有易見難見之不同。約理則無多少。

數量之可論爲凡外難得見佛。恐其絕望而不求見。故云如恒河沙。令知欣厭爲受化常得見佛。恐其習見而不殷切。故云如優曇花。令知渴仰。然化身無數。旣非恒沙。優曇可譬。法身平等。亦非恒沙。非優曇可譬也。

文少二答更有餘義。

大慧。然我說譬佛如恒河沙。無有過咎。大慧。譬如恒沙。一切魚鼈輪收魔羅。師子象馬人獸踐踏沙。不念。

言彼惱亂我。而生妄想。自性清淨無諸垢汚。如來應

供等正覺自覺聖智。恒河大力神通自在等沙。

唐云。如來

聖智如彼恒河力通自在。以爲其沙。一切外道諸人獸等一切惱亂。如

來不念而生妄想。如來寂然無有念想。如來本願。以三昧樂安衆生。故無有惱亂。猶如恒沙等無有異。又

斷貪恚故。

疏曰。初以無分別愛憎義。譬如恒河沙也。輪收魔

羅此翻殺子魚。

譬如恒沙。是地自性劫盡燒時。燒一切地。而彼地大

不捨自性。與火大俱生故。其餘愚夫作地燒想。而地不燒。以火因故。魏云。以不離地而得更有。四大火身故。○唐云。火所因故。如是大慧。如來法身。如恒沙不壞。

疏曰。二以法身性不壞義譬如恒河沙也。因有地爲所燒乃有火爲能燒。能所無性。譬如來藏妙真如性。故不壞也。大涅槃云。譬如猛火不能燒薪。火出木盡。名爲新滅。木之與地。同是堅相。同能出火。觀相元妄。有燒不燒。觀性元真。唯妙覺明。妙覺明心。非地非火。亦地亦火。云何可說能所燒耶。

大慧譬。如恒沙無有限量。如來光明。亦復如是。無有限量。爲成熟衆生。故普照一切諸佛大衆。唐云。大會

疏曰。三以光明無限量義譬如恒河沙也。

大慧。譬如恒沙別求異沙。永不可得。如是大慧。如來應供等正覺。無生死生滅。有因緣斷故。唐云。譬如恒沙。住於世間。不更改變。而作餘物。如來亦爾。故衆生誤張。如來疏曰。四以斷德無變易義譬如恒河沙也。

大慧。譬如恒沙。增減不可得知。唐云。取不知。減。投不見。增。如是大慧。如來智慧。成熟衆生。不增不減。故衆生誤張。如來

非身法故。身法者有壞。如來法身非是身法。唐云。如來法身無有身故。以有身故。而有減壞。法身無身故。無減壞。

疏。田。並。以。智。身。無。增。滅。義。譬。如。恒。河。沙。也。

如壓恒沙。油不可得。如是一切極苦。衆生逼迫。如來乃至衆生。未得涅槃。不捨法界。自三昧願樂。以大悲故。唐云。譬如恒沙。雖苦壓治。欲求酥油。終不可得。如來亦爾。雖爲衆生。衆苦所壓。乃至蠢動。未盡涅槃。欲舍離於法界中。深心願樂。亦不得。何以故。具足成就大悲心故。

疏曰。六以大悲無厭捨義。譬如恒河沙也。

大慧。譬如恒沙。隨水而流。非無水也。總二云。終不逆流。如是大

慧。如來所說一切諸法隨涅槃流

魏云隨順涅槃而
非逆流○唐云莫

不隨順涅槃

是故說言如恒河沙。如來不隨諸去流轉
擊之流。不隨順涅槃之流。

魏云。隨順流者。非是去義。唐云。如來既去。不遺於取。

魏云隨順流者非是去義唐云如來說法不隨於趣

大慧。生死本際不可知。不知

大慧生死本際不可知不知
減。唐云去是壞義
文云世間本際尚不可知。不一慧。六卷

故云何謬去可知者我云

義是斬而懸夫不知

正曰：「以言治形，以氣治氣。」譬如治水，水之本原，去其繁縝，則有去壞。如沙離水是去壞義，既順不逆，安有去壞以生死本際，卽涅槃本際，無可去無可斷故。

解脫可知。魏云。云何如來而得解脫。復令衆生得於解脫。○唐云。云何衆生在生死中而得解脫。

佛告大慧。無始虛偽過惡妄想習氣因滅自心現知外義妄想身轉。唐云。了知外境自解脫非壞滅也。是故無邊。非都無所有。唐云。是故不爲彼妄想作無邊等異名。

唐云。無邊際者。但是分別異名。觀察內外離於妄想無異衆生。智及爾後。一切諸法悉皆寂靜。唐云。離無別衆生。以智觀察內外諸法。知與所知悉皆寂滅。不識自心現妄想故妄想生。若識則滅。

唐云。一切諸法唯是自心分別所見。不了知故分別心起。了心則滅。

疏曰。此重釋生死本際不可知之疑也。疑意謂不可知者。則無邊際。既無邊際。安能越度而得解脫。佛答意者。由迷妄故。說無邊際。若離妄想分別。則本無衆生可得。證二轉依名爲解脫。非以滅壞爲生死邊際也。但悟唯心。則生死本際。卽是涅槃本際。故恒順涅槃流。而非去壞斷耳。初長文竟。

三偈頌。不妄取樂。不妄求。不妄說。第六義。惟爾時世尊欲重宣此義。而說偈言。觀察諸導師。猶如恒河沙。不壞亦不去。亦復不究竟。是則爲平等。觀察

諸如來猶如恒沙等。悉離一切過隨流而性常。是則佛正覺。

疏曰。不壞不去。頌第七義。不究竟頌第六義。謂終不先自取滅度也。平等者歎其了達生死涅槃無二際也。悉離一切過總頌初三五義。隨流重頌第七義。性常頌第二第四義也。第三十六恒河沙門竟。

第三十七諸法利那門。魏云。利那品第十四。文分爲二。初長文。二偈頌。初中二。初辨利那義。二辨六度。

去相。初又二。初問。二答。今初爾時大慧菩薩復白佛言。世尊。唯願爲說一切諸法。

利那壞相世尊。云何一切法利那。唐云。何等諸法名有利那。

疏曰。一切諸法設皆利那必壞。則出世無爲涅槃爲有利那爲無利那。故問之也。

二答。二初總標一切法。二別示壞不壞。今初佛告大慧。諦聽。善思念之。當爲汝說。佛告大慧。一切法者。謂善不善。無記。有爲無爲。世間出世間。有罪無罪。有漏無漏。受不受。

疏曰。能爲此世他世順益。名爲善法。通於有漏無漏。能爲此世他世違損。名不善法。唯是有漏。於善不善無可記別。名無記法。又分爲二。若染汚昏昧。能障聖道。名有覆無記。若清淨無垢。不障聖道。名無覆無記。此二亦唯有漏也。色心諸法。有生住異滅。四相可得。名有爲法。虛空擇滅。非擇滅等。無生住異滅。四相可得。名無爲法。三界因果名。世間法。四聖法界。若因若果。名出世法。損惱自他。名有罪法。不損自他。名無罪法。招感生死。名有漏法。不招

生死。名無漏法。有能有所名。有受法。達無能所。名無受法。此中有爲。有漏有受諸法。則有利那。若無爲。無漏。及有爲。無漏不受諸受。名爲正受。則非利那性也。不善財。與。轉。禪。乘。朴。靜。施。五。身。外。觀。菩。薩。二。別。示。壞。不。壞。舉。要。言。之。五。取。氣。爲。因。而。得。增。長。凡。愚。於。大。慧。修。三。昧。樂。三。昧。正。受。現。法。樂。住。名。爲。賢。聖。善。無。漏。住。是。則。名。爲。善。無。漏。法。

疏曰。五陰色心皆由八識熏習增長。是有爲法故。有善不善等分別。皆屬有漏。若聖人所證出世。三昧是善無漏。非刹那也。

大慧。善不善者謂八識。何等爲八。謂如來藏名識藏。心意意識及五識身。非外道所說。大慧。五識身者。心意意識俱。善不善相展轉變壞。相續流注。唐云。善不差別。相續不斷。不壞身生亦生亦滅。唐云。無異體生。生已卽滅。不覺自心現。次第滅餘識生。唐云。不了於境。自心所攝受。意識五識俱相應。生刹那時不住。名爲刹那。形相差别。

意識與彼五識共俱。取於種種差別形相。刹那不住。我說此等名刹那法。

疏曰。第八雖是無覆無記而能徧受善不善熏又爲善不善法之根本依。第七雖是有覆無記而爲善不善法之染汚依。第六通於三性而爲善不善法之分別依。第八第七無不起時。前五若起必與第六同起助成第六善不善業。故云善不善者謂八識也。五識或時造善或造不善。初無一定。故有展轉變壞差別。從生至生從劫至劫。初無停止。故云相續流注不斷。此前五識若約俗諦。不壞相說。

各有內二分體轉成外二分用。初無有異。此識體用譬如水流燈燄無暫時住。故云亦生亦滅。不知色等五塵卽是識體所現相分。乃以見分而取著之。故雖無間卽滅滅已還生。或眼識纔滅耳識隨生等。或前念眼識纔滅後念眼識隨生等。皆所謂次第滅餘識生也。同時意識必與五識共俱。乃於五塵形相差別妄生攝受。而能攝之見分與所攝之相分。無非剎那不任之相。是故名剎那也。

大慧剎那者名識藏。如來藏意俱生識習氣剎那。唐云

如來藏名識。所與意無漏習氣非剎那。非凡愚所等諸習氣俱。是剎那法。

覺。計著剎那論故。唐云。此非凡愚剎那論者之所能知。不覺一切法剎

那非剎那。唐云。彼不能知一切諸法。有是剎那。非剎那故。

諸法壞。墮於斷見。

疏曰。藏識海常住。何以識藏名剎那耶。以受有漏

習氣熏故。所以舉體成生滅也。若以無漏智熏令默成。出世無漏習氣證。二空所顯真如無爲法性。則當體卽是不生不滅。豈凡愚所能覺哉。

大慧七識不流轉。唐云。五識身非流轉。不受苦樂。非涅槃因。大

慧。如來藏者。受苦樂與因俱。若生若滅。唐云。有四住。

地無明住地所醉。唐云。四種習氣之所迷覆。凡愚不覺。

利那見妄想熏心。唐云。而諸凡愚分別重。

心不能了知。起利那見。真取滅爲去。非流轉。

疏曰。此重釋利那者名識藏之由也。夫藏識常住。

前七生滅。則應以前七名利那藏識名非利那。何

謂利那者名識藏耶。以前七現行從種子生。生已

卽滅。無暫時住無容從此轉至餘方。故不流轉。既

非流轉。則苦樂亦念念滅故不能生覺受。既不受

世間苦樂。故非出世涅槃之因。此顯前七無體性。

故猶如波浪以水爲體別無自體可得故也。如來

大藏者。舉體爲總報主。故雖但與捨受相應而由彼

故方受苦樂。又能受熏特種令不失故。故與因俱

又藏識所持壽法種子恒轉如瀑流故。故若生若

滅。非斷亦非常也。凡夫則四住及無明所醉。愚法

聲聞則無明住地所醉。不能了知生滅無性。故有

分段生死利那及變易生死利那。其實皆妄想耳。

復次大慧。如金剛佛舍利得奇特性終不損壞。大

慧若得無間唐云。若得證法。有利那者聖應非聖。而聖未曾

不聖。如金剛。雖經劫數。稱量不減。云何凡愚不善。於我隱覆之說。唐云。不解於我秘密之說。於內外一切法作剎那想。

疏曰。此借世間現見不壞之法。以譬出世無漏法體。非剎那也。得無間者。以無間三昧斷惑。親證真如。無有能證所證之二相也。初辨剎那義竟。

第二辨六度相。二初問。二答。今初。

大慧菩薩復白佛言。世尊。如世尊說。六波羅密滿足得成正覺。何等爲六。唐云。何者爲六。云何滿足。

疏曰。成正覺已證得如金剛等非剎那性而必由於六度滿足。六度祇是福慧二嚴乃約修德言之。所謂有爲無漏法也。爲是剎那爲非剎那。若是剎那云何因之而成正覺。若非剎那云何有六。云何分別滿足與不滿足。問意所關在此。不可不知也。

卷二答二。初標。二釋。三今初。

佛告大慧。波羅密有三種分別。謂世間。出世間。出世

間。上上。要變易對應出世間。土土。要布百益等。

疏曰。世間六度有爲有漏是剎那法。出世六度有

爲無漏望世間非刹那望上上是刹那。以但度分段不度變易故也。出世間上上六度亦可名有爲無漏亦可名無爲無漏全性起修可稱有爲全修在性可稱無爲真非刹那法也。

二釋

大慧。世間波羅蜜者我我所攝受計著攝受二邊爲種種受生處樂色聲香味觸故滿足檀波羅蜜戒忍精進禪定智慧亦如是。凡夫神通及生梵天唐云謂諸我所執取二邊求諸有身貪色等境如是修行檀波羅蜜持戒忍辱精進禪定成就神通生於梵世

疏曰。波羅蜜此翻度無極亦翻到彼岸。凡愚妄計梵世等未來殊勝果報爲彼岸故修施等六法爲能度能到也。

大慧。出世間波羅蜜者聲聞緣覺障攝受涅槃故行六波羅蜜樂自己涅槃樂唐云執著涅槃希求自樂。如是修習諸波羅蜜

疏曰。二乘妄計偏真爲彼岸故修六度爲能到也。出世間上上波羅蜜者覺自心現妄想量攝受及自心二故不生妄想於諸趣攝受非分自心色相不計著唐云謂菩薩於自心二法了知唯是分別所現不起妄想不生執著不取色相爲安樂一

切衆生故生檀波羅蜜起上上方便。唐云爲欲利樂一切衆生而常修行檀。波羅蜜卽於彼緣妄想不生戒是尸波羅蜜。唐云於不起分別是則修行尸波羅蜜。卽於不起分別之時忍知能取所取自性是則名爲羼提波羅蜜。諸境界夜精勤方便隨順修行方便妄想不生。唐云隨順實不生分別不起外道涅槃之見。是禪波羅蜜。自心妄想非性智慧觀察不墮二邊。先身轉勝而不可壞得自覺聖趣。以智觀察心無分別不墮二邊轉_善所依而不壞滅獲於聖智內證境界是般若波羅蜜。

疏曰。不生妄想不生執著不取色相此超凡夫見也。爲安樂一切衆生此超二乘見也。起上上方便於一布施門中頓圓六度於戒忍等應知亦然一度一切度。一切度一度稱性起修修全在性此超權菩薩見也。所以名爲滿足所以非刹那也。諸法刹那門中初長文竟。

愚音普諸無間財聲持要脉文祖意爾時世尊欲重宣此義而說偈言空無常刹那愚夫妄想作唐云愚分別有爲空無常刹那如河燈種子而作刹那想。

分別。利那義。如河燈種子。利那息煩亂。寂靜離所作。一切法不生。

我說利那義。作諸事性皆離。是我利那義。物生則有滅。

唐云。生無不爲愚者說。無間相續性妄想之所熏。

唐云。諸趣無明爲其因。心則從彼生。乃至色未生中分別起。

間有何分。唐云。未能了色來中間何所住。相續次第滅餘心隨彼生。

唐云。無間相續而有別心起。不至於色時。何所緣而生。以從彼生故不如實因生。

唐云。若緣彼心起。其因則虛妄。云何無所成。而知利

那壞成。唐云。因妄體不生。利那滅坐火聚一乘見身土土六聞疏曰。此頌迷如來藏而有利那。利那本無性也。謂

由愚夫妄想分別。諸有爲法。其體本空。本自無常。故名利那。如河之流。如燈之燄。如種子之生芽。念念轉變。遂於其中作利那想。若知利那寂靜不生。則一切法咸皆性離。故我所以說利那者。正顯生即無生義耳。夫一切物初生即滅。無暫時住。愚夫不知妄見無間相續。乃諸趣分別所熏。皆有無明。不了爲因。更無他因。無明取著色境。假說心生。未有色時。心何所有。色之與心。念念滅時。念念續生。倘不住於色時。何所緣而生耶。若緣彼色而生於

心則其因虛妄不實其體不成既無有成云何有

壞故知刹那無性但是愚妄想也

修行者正受金剛佛舍利光音天宮殿世間不壞事

住於正法得如來智具足比丘得平等云何見刹那

唐二云如來圓滿智及比丘證得諸法性常住云何見刹那

疏曰此頌無漏習氣非刹那也光音宮殿火災不到故云不壞然水災風災皆能壞之今特借世事爲片喻耳金剛亦然如來所證指法空真如比丘所得指我空真如真如云何見刹那耶

犍闍婆幻等色無有刹那

唐云乾城好等

於不實色

等視之若真實

魏云無四大見色四大何所爲

大種無實性云何說能造

疏曰此總顯諸法無性刹那卽非刹那也謂如乾

城幻色旣已生滅卽非生滅則一切四大造色亦

皆生滅卽非生滅矣何故獨視若真實耶第三十

七諸法刹那門竟

魏云化品第十五

第三十八釋衆疑門

魏云變化品第七文分爲

三初請問二許宣三正說今初

爾時大慧菩薩復白佛言世尊世尊記阿羅漢得成

楞伽經疏卷四之一

四

阿耨多羅三藐三菩提與諸菩薩等無差別。唐云。如授阿羅漢阿耨多羅三藐三菩提記。一切衆生法不涅槃誰至佛道。唐云。何故復說無般涅槃。從初得佛至般涅槃於其中間。如法衆生得成佛道。不說一字亦無所答。唐云。又何故說從初得佛至來常定故亦無慮亦無察。唐云。又言如來常在於定無覺無觀化佛化作佛事。唐云。又言佛事皆是化作。何故說識利那展轉壞相。唐云。諸識利那變壞金剛力士常隨侍衛。唐云。又言金剛神常隨侍衛。何不施設本際。唐云。又言前際不可現魔魔業。唐云。又現有知而說有般涅槃。大魔及以魔業惡業果報旃遮摩納孫陀利女空鉢而出惡業障現。

云何如來得一切種智而不離諸過。唐云。又有餘釋女孫陀利外道女及空鉢而還等事。世尊既有如是業障。云何得成一切種智。既已成於一切種智。云何不離如是諸過。

疏曰。凡有十疑或卽此經所說或是他經所說。但按唐譯讀之段落自分明也。魔者佛坐道場時魔軍來擾也。魔業者。佛在王宮時具受五欲樂十年也。旃遮摩納卽婆羅門女木魚繫腹誘佛與之交通。孫陀利女卽外道殺女埋佛住處誘佛殺其女也。空鉢而出是刹梨那村事等者等取金鎗馬麥

頭痛背痛諸事也

二許宣

佛告大慧。諦聽。諦聽。善思念之。當爲汝說。大慧白佛言。善哉世尊。唯然受教。

三正說二。初長文。二偈頌 今初

佛告大慧。爲無餘涅槃故。說誘進行菩薩行者。故唐云我爲無餘涅槃界故。密勸令彼修苦薩行。此及餘世界修苦薩行者。樂聲聞乘涅槃爲令離聲聞乘。進向大乘化佛授聲聞記。非是法佛。唐云。又變化佛與化聲聞而授記是秘密說大慧。因

是故記諸聲聞與菩薩不異。大慧不異者。聲聞緣覺諸佛如來煩惱障斷。解脫一味。非智障斷。大慧智障者見法無我殊勝清淨。煩惱障者先習見人無我。斷七識滅。唐云。見人無我意。舍離是時初斷法障解脫識藏習滅究竟清淨。唐云。藏識習滅法障解脫方得永淨。

疏曰。此答第一記阿羅漢得成菩提之疑也。未經法華開顯。但是二酥密記。故云是秘密說化佛授彼化聲聞記。令實行聲聞廻心向大。以實行聲聞未能見法佛故。若至法華會上。三根機熟。則授記

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

卽法佛矣。次辨斷煩惱障。二乘與菩薩同。未斷智障。與菩薩異。要斷智障方實成佛。卽兼釋第二無性成佛之疑也。

因本住法故。前後非性。無盡本願故。唐云。我依本住是密語。非異前佛後更有說先具如是諸文字故。

疏曰。此答第三不說一字之疑也。

如來無慮無察而演說法。正智所化故。念不妄故。無慮無察。唐云。如來正知無有妄念。不待思慮然後說法。四住地無明住地習氣斬故。二煩惱斷離。二種死覺人法無我及二障斷。

疏曰。此答第四常定第五化佛之疑也。

大慧。心意意識眼識等七。刹那習氣因善無漏品離。不復輪轉。唐云。意及意識眼識等七習氣爲因。是刹那性。離無漏善。非流轉法。大慧。如來藏者輪轉涅槃苦樂因空亂意慧愚癡。凡夫所不能覺。唐云。如來藏者生死流转及是涅槃苦樂之因。凡愚不知。妄著於空。

疏曰。此答第六刹那之疑也。七識無體全以如來藏性爲體。舉體隨緣故說刹那。了達隨緣不變。則爲善無漏品。此如來藏。不惟凡夫不覺。卽二乘空亂意慧亦所不覺也。二乘以生空慧但見於空猶

有變易生死真常流注。所謂如急流水。望如恬靜。
流急不見非是無流。故名爲亂意也。

大慧金剛力士所隨護者。是化佛耳。非真如來。大慧
真如來者離一切根量。一切凡夫聲聞緣覺及外道
根量悉滅。唐云。二乘外道所不能知。得現法樂住無間法智忍故
唐云。在現法樂成就智忍非金剛力士所護。

疏曰。此答第七常隨侍衛之疑也。

一切化佛不從業生化佛者非佛。不離佛。唐云。非卽是佛亦非
非佛因陶家輪等衆生所作相而說法。

唐云。譬如陶師眾事和合而有

所作化佛亦爾衆非自通處說自覺境界
相具足而演說法

疏曰。此超答第九現魔魔業及惡業果報之疑也。
復次大慧。愚夫依七識身滅。唐云。凡起斷見不覺識
藏故起常見。自妄想故不知本際。唐云。自心分別是其本際故不可得
自妄想慧滅故解脫。別即得解脫。唐云。離此分

疏曰。此追答第八施設本際之疑也。見六識滅則
悞認無想天以爲涅槃見第七中一分我執伏斬
畢竟還起非斬滅也。聞有第八藏識則起常見而
則悞認滅盡定及二乘涅槃以爲究竟而不知其

不知其受熏持種恒轉如流。望前名果。望後名因似常似一。非一非常也。妄想無性。安有本際。達其無性。則得解脫。故云。前際不可知。而說有般涅槃。四住地無明住地。習氣斷故。一切過斷。

疏曰。此結答第十不離諸過之疑也。初長文竟

二偈頌

爾時世尊欲重宣此義。而說偈言。三乘亦非乘。如來不磨滅。唐云無有一切佛所記說。離諸過惡。爲諸無間智。唐云成就及無餘涅槃。誘進諸下劣是故隱覆。

說唐云依此密意說諸佛所起智。卽分別說道。唐云演說如是道諸

乘非爲乘。彼則非涅槃。唐云唯此更非餘故。彼無涅槃。欲色有及見

說是四住地。意識之所起識。宅意所住。唐云藏意亦在中意

及眼識等。斷滅說無常。唐云見意眼識等無常故說斷或作涅槃見

而爲說常住。唐云迷意識起常智謂涅槃

疏曰。此偈但頌第一第八兩意。而餘疑可並釋也。

初三偈頌第一意。後二偈頌第八意。識宅者。第八

識爲前七窟宅也。意所在者。第七識爲第六親依也。前七念念生滅說爲無常。縱令暫滅。仍非涅槃。

本初寺真言曰

三

以藏識中流注種子未永斷故轉捨藏識成圓鏡智則證本住法不說一字心常在定非剎那法不假侍衛能作種種化事永離諸過乃至誘彼三乘闡提畢竟亦當同證入矣第三十八釋衆疑門竟
第三十九斷食肉門
魏云遮食肉品第十六
唐云斷食肉品第六文

分爲三初請問三許宣三正說今初

爾時大慧菩薩以偈問曰彼諸菩薩等志求佛道者酒肉及與憇飲食爲云何唐云爲食爲不可爲惟願無上尊哀愍爲演說愚夫所貪著臭穢無名稱虎狼所甘嗜云

何而可食食者生諸過不食爲福善惟願爲我說食不食罪福大慧菩薩說偈問已復白佛言惟願世尊爲我等說食不食肉功德過惡我及諸菩薩於現在未來當爲種種希望食肉衆生分別說法令彼衆生慈心相向得慈心已各於住地清淨明了疾得究竟無上菩提聲聞緣覺自地止息已亦得速成無上菩提惡邪論法諸外道輩邪見斷常顛倒計著尚有遮法不聽食肉況復如來世間救護正法成就而食肉耶

疏曰。食肉無慈。世間輕賤。非修道者所宜。若斷食肉。自他安隱長養慈悲。又爲楞伽山。乃夜叉所居。雖聞正法。未斷食肉。若不斲肉。不入正修行路。故特申請問。以爲真操實踐要門。猶大佛頂經修行三漸次之義也。

佛告大慧。善哉。善哉。諦聽。諦聽。善思念之。當爲汝說。

大慧白佛言。唯然受教。

正說二。初長文。二偈頌。今初

佛告大慧。有無量因緣不應食肉。然我今當爲汝畧說。謂一切衆生從本已來。展轉因緣。嘗爲六親以親想故。不應食肉。一驢騾駝。狹狘牛馬人獸等肉。屠者。襍賣故。不應食肉。二不淨氣分所生長故。不應食肉。三衆生聞氣。悉生恐怖。如旃陀羅及譚婆等狗。見憎惡驚怖。群吠故。不應食肉。四又令修行者慈心不生。故不應食肉。五凡愚所嗜臭穢。不淨無善名稱。故不應食肉。六令諸咒術不成就。故不應食肉。以殺生者。見形起識。深味著故。唐云。見其形色。則已生於貪滋味心。菩薩慈念衆生。

卷之二十一

三

猶如已身。云何見之而作食想。不應食肉。八彼食肉者諸天所棄故不應食肉。九令口氣臭故不應食肉。十多惡夢故不應食肉。十一空閑林中虎狼聞香故不應食肉。十二令飲食無節故不應食肉。十三令修行者不生厭離故不應食肉。

四我嘗說言。凡所飲食作食子肉想作服藥想故不應食肉。五聽食肉者無有是處。

六疏曰。旃陀羅此翻屠者。譚婆此翻獵師。餘食尚作子肉藥想不許食嘴。况衆生肉而許食耶。餘可知。復次大慧。過去有王名帥子蘇陀婆。唐云。名師子生。食種種

肉。遂至食人臣民不堪。卽便謀反。斷其俸祿。以食肉者有如是過故。不應食肉。

七疏曰。此更引昔覆轍以爲殷鑒也。

復次大慧。凡諸殺者爲財利故。殺生屠販。彼諸愚癡食肉衆生。以錢爲網而捕諸肉。彼殺生者若以財物若以鉤綱。取彼空行水陸衆生。種種殺害。屠販求利大慧亦無不教不求不想而有魚肉。以是義故不應食肉。

疏曰。雖不自殺亦不教殺。但令以錢買現成肉。彼

大智度論卷第十一

七

人爲錢方乃賣肉。是仍買者使之殺也。設無人買。彼將安賣故買現成肉者。仍是教求想所致耳。大慧我有時說遮五種肉或制十種今於此經。一切種一切時開除方便。一切悉斷。

疏曰。有時遮五種者。謂見殺聞殺。疑殺非自死。非鳥殘皆不得食也。或制十種者。謂人蛇象馬龍狐猪狗獅子獮猴。十不淨肉不得食也。此皆不得已。昔之權漸法門。故於今經一切悉斷。方爲實義也。

大慧如來應供等正覺尚無所食。況食魚肉。唐云肉之所有

諸聖弟子尚不食於凡夫殺食。况食血肉不淨之食。大慧聲聞緣覺及諸菩薩尚唯法食。豈況如來大慧如來法身亦不教人以大悲前行故。視一切衆生猶如一子。是故不聽令食子肉。

疏曰。得法喜禪悅食者。尚不資於段食。何況食血肉穢味耶。大悲前行猶言大悲爲首也。初長文竟

第二偈頌爾時世尊欲重宣此義而說偈言。曾悉爲親屬。部衆不淨襍不淨。所生長聞氣悉恐怖。一切肉與葱及諸韭蒜等。種種放逸酒修行常遠離。

圭疏曰。因制食肉。并制五辛及酒也。五辛者。一葱。^二
韭。三蒜等。取四薤。五興渠也。^{薤亦名薺子。江右等}
^{可用。大恨大悞。}○放者放恣。逸者越逸。飲種種酒
與渠此方所無。能令心志放恣。越逸禮法也。又觀心釋者。一念放

逸。卽名飲三毒酒。^{齊書。大聖記。首出庶流。具文實。}
亦常離麻油。及諸穿孔牀。以彼諸細蟲於中極恐怖。
疏曰。西土麻油先淹。令出蟲然後壓之。故不可食。
飲食生放。放逸生諸覺。^{唐云。邪覺。}從覺生貪欲。是故不
應食。由食生貪欲。貪令心迷醉。迷醉長愛欲。生死不

解脫

疏曰。此顯飲食爲生死增上勝緣。故不宜貪嗜也。
爲利殺衆生。以財網諸肉。二俱是惡業。死墮叫呼獄。
若無教想求。則無三淨肉。彼非無因有是。故不應食。
疏曰。人知殺者之惡。而不知買者之惡也。我若不
買。彼何用殺。雖云不見殺。不聞殺。不疑爲已殺。實
則因我買肉。有以教之想之求之。豈無因而有哉。
彼諸修行者。由是悉遠離十方佛世尊。一切咸訶責。
展轉更相食死墮虎狼類。臭穢可厭惡所。生常愚癡。

多生旃陀羅獵師譚婆種。或生陀夷尼及諸食肉性。

羅刹猫狸等偏於是中生。

疏曰。此顯食肉之惡報也。陀夷尼。魏作羅刹女。

縛象與大雲央掘利魔羅。及此楞伽經我悉制斷肉。

疏曰。縛象。二譯皆作象腋。亦經名也。大雲經央掘。

經大涅槃經及此經中。悉斷食肉更無權聽之說。諸佛及菩薩聲聞所訶責。食已無慚愧。生生常寢冥。先說見聞疑。已斷一切肉妄想不覺知。故生食肉處。

唐云。以其惡習
故。愚者妄分別。

疏曰。初制三種淨肉。卽已斷一切肉以除見聞疑。外更無不殺之肉可得故也。而妄想分別謂果有淨肉可食。何其愚哉。

如彼貪欲過障礙聖解脫。酒肉葱韭菘悉爲聖道障。

未來世衆生於肉愚癡說。言此淨無罪佛聽我等食。

疏曰。一切衆生皆依姪欲受生。皆依飲食存活。故

貪欲及酒肉等皆能障聖道解脫也。若謂淨肉可

食乃未世愚癡說耳。豈佛教所聽耶。

食如服藥想亦如食子肉。唐云。淨食尚如藥。猶如子肉想知足生厭。

離修行行乞食。安住慈心者我說常厭離。虎狼諸惡獸。恒可同遊止。若食諸血肉。衆生悉恐怖。是故修行者慈心不食肉。食肉無慈慧永背正解脱。及違聖表相是故不應食。得生梵志種及諸修行處智慧富貴家。斯由不食肉。唐云。若於酒肉等一切皆不食。必生賢聖中。豐財具智慧。

疏曰。此結顯食之過患不食之功德也。婆羅門亦云梵志。佛嘗自云我真沙門。真婆羅門。故生梵志種。卽是生佛種也。智慧卽般若德。豪貴豐財卽解脫德。佛種卽法身德。能不食肉則圓證三德秘藏。

功德爲何如哉。上來正宗分竟

三流通分。宋譯不傳

陀羅尼品

魏云。第十七。唐云。第九。

總品第十八。魏。唐偈頌品第十

疏曰。陀羅尼品是咒護流通。總偈頌品。是重說前義流通也。按二經中。皆有讚歎極樂及授記龍樹之文。今且依唐譯錄出。

十方諸刹土衆生菩薩中。所有法報佛化身及變化。皆從無量壽極樂界中出。

大慧汝應知。善逝涅槃後。未來世當有持於我法者。南天竺國中大名德比丘。厥號爲龍樹。能破有無宗。世間中顯我無上大乘法得初歡喜地。往生安樂國。疏曰。龍樹爲禪宗合宗之祖。佛已先授往生記矣。淨土法門。一切佛祖之所歸極。至圓至頓。節凡心而見佛心。捨此豈別有向上事哉。願有智者深信堅願以導萬行。同覲阿彌陀佛滿菩提願。

楞伽阿跋多羅寶經卷第四義疏下

閱筆後序

猶憶初發心時。便從事於禪宗。數年之後。涉律法一教。著述頗多。獨此楞伽。擬於閱藏畢後方註。壬辰結夏。晨溪無處借藏。乃以六月初三日舉筆。至八月十一日。閱筆於長水南郊之冷香堂。僅閱七旬。而佛事魔事。病障外障。殆無虛日。易三地而稿始脫。嗟嗟。梵網佛頂。唯識法華。占察毘尼。諸述何其順且易。楞伽一疏。何其逆且難也。得無自覺聖智法門。正破末世流弊。有以激波旬之怒耶。然波旬能俾子席不暇煖。而不能撓子襟期。亦不能阻子。

筆陣則予必當化彼波旬向成佛道。維摩所謂邪魔外道皆吾侍者。豈不信哉。予愧爲虛名所誤犯達磨明道而不行道之記。然猶愈於說道而不明道也。賢達苟能因語入義如燈照色。庶不負予損已利人之苦心耳。今而後仗三寶力更成開藏知津法海觀瀾及圓覺維摩起信諸疏圓滿蓮花因行則此生無遺憾矣。萬益旭識於蕪花洲。

跋語

一切佛語皆明自心而初祖西來獨指楞伽四卷

可以印心者豈非楞伽性相兼明宗說並唱尤足爲接人之前導乎顧是經文艱義奧闊者莫究言歸譬如夜行遇奇山怪石何能措足故是經傳至于今不啻如荆山璞識者寥寥靈峰老人獨深憂之爰徧會三譯參互發明述成義疏甲午夏造

靈峰

同堅兄赴留都募梓且命印行流通俾語言燈徧照法界於是計刻印共募百有餘金而同心諸大緇素亦皆隨緣勸助三閱月刻印俱成今錄施賚芳名詳列卷尾伏願助者募者及法界衆生

80

1 2 3 4 5 6 7 8 9

100

100

1 2 3 4 5 6 7 8 9

同開自覺聖智咸證第一義心續慧命以長榮朗
真燈而無盡

靈峰後學靈晟蒼暉氏敬跋

施資刻印芳名

244474

二三

周淨灝

二兩

慶習

道合

海華五兩

朱淨鑑募五兩

周淨灝

二兩

馬如飛

慶習

法明五兩

朱淨鑑募五兩

周淨灝

二兩

馬如飛

慶習

周坤垠

明善

性蘊

顧啓榮

勝因

悟章

道合

馬音滿

徐桂

藻容

崇存

唐廣貴

各一兩

尼淨德

五錢

尼淨明

五錢

姚淨永

楊家菴衆

尼六錢

五分

尼淨德

五錢

陳科五錢

圓如二錢

沈沈三錢

圓如二錢

姚淨永

朱淨鑑助

二兩

慶習

四兩

朱淨鑑助

二兩

慶習

四兩

朱淨鑑助

二兩

慶習

80

1 2 3 4 5 6 7 8 9

90

1 2 3 4 5 6 7 8 9

100

1 2 3 4 5 6 7 8 9

一一一

